

續集一之三

國都

形勢

關市

聚貨

道路

津墩

子文新集

新集一之三

120
169/167
214



13
167
14

新編古今事文類聚續集卷之一

賜盧文庫

建安

祝

穆

和父編

金陵

唐富春

子和刊

居處部

國都

形勢

羣書要語都者國君所居人所都會也邑猶俛聚會之稱也釋名惟王建國辨方正位體國經野設官分職以為民極天官土

方氏以土圭攷日景以土地相宅而建邦國都鄙夏官匠人營

國方九里旁三門國中九經九緯經涂九軌左祖右社面朝後

市冬官制國不過千乘都城不過百雉坊記凡邑有宗廟先君

利
267
14

東京
學
校

新編古今事文類聚續集卷之一

賜盧文庫

之主曰都無曰邑 左傳 京師者天子之居也京大也師衆也 公

羊傳 天子畿方千里曰甸服甸服之內曰京師 世紀 天子所宮

曰都 世紀 崑崙東南方五千里謂之神州中有和羹鄉方三千

里五岳之城帝王之宅聖人所生也 王嬰古今通論 崑崙東南

有赤縣之州風雨有時寒暑有節苟非此土南則多暑北則多

寒東則多陰故聖人不處焉 張衡靈憲 天子以四海為家故所

居曰行在所 漢書

南 壯哉帝王居住麗殊百城 曹植 江南佳麗地金陵帝王州

謝眺 地即帝王宅山為龍虎盤 李白金陵詩 山河壯帝居 陳後

主 長安開綉陌 陳暨

古今事實

歷代所都

伏羲都陳神農亦都陳 陳今陳州 又營曲阜 今兗州 黃帝都涿

鹿 今幽州 或云有熊 今鄭州 少昊都窮桑 在魯北 顓頊都高陽

在周為衛地今濮陽縣 帝嚳都亳一曰都高辛 今偃師 堯始封

於唐後徙晉陽即帝位都平陽 唐今定州晉陽今太原府平陽

今晉州 舜都蒲阪 今蒲州 禹本封於夏為夏伯及舜禪都平陽

或在安邑 在蒲州 按尚書五子之歌曰惟彼陶唐有此冀方言

堯舜至禹及太康皆在冀州界少康中興而復還舊都湯都亳

殷都有三亳 穀熟為南亳即湯都蒙為北亳即景亳 至仲丁遷

囂或曰敖 今河南之敖倉 河亶甲居相 今相州 祖乙居耿 在河

東及盤庚五遷復南都亳之殷地則西亳也周文王都豐武王

都鎬

今京兆之界

周公相成王以豐鎬偏處西方土貢不均乃

營洛邑

今東都

成王即洛邑建明堂朝諸侯復還豐鎬至幽王

為犬戎所殺平王東遷乃居洛邑及敬王時又遷成周

今洛陽

故都城是也

秦非子始封於秦

今在隴西

孝公徙咸陽漢都長

安東觀漢記曰光武中興都洛陽又於南陽置南都三國時魏

略云魏以長安譙許昌鄴洛陽為五都吳志云吳都郢後遷建

鄴蜀志云蜀都成都晉書晉都洛陽至永嘉南居建康宋齊梁

陳並居建康梁元帝及後梁蕭詧文別居江陵晉亂有十六國

各建都邑隋都長安煬帝遷洛陽唐都長安

帝王世紀

在德不在險

以下係形勢

魏武侯浮西河而下顧謂吳起曰美哉山河之固此魏國之寶

也起對曰在德不在險昔三苗氏左洞庭右彭蠡德義不修禹

滅之夏桀之居左濟河右泰華伊闕在其南羊腸在其北修政

不仁湯放之商紂之國左孟門右太行常山在其北大河經其

南修政不德武王殺之由此觀之在德不在險若君不修德舟

中之人皆敵國也

秦都之固

秦孝公據崤函之固擁雍州之地始皇踐華為城因河為池據

億丈之城臨不測之淵以為固天下已定自以為關中之固金

城千里子孫帝王萬世之業也

賈生論

秦形勝之國也帶山阻

河縣隔千里持戟百萬秦得百二焉地勢便利其下兵於諸侯

譬猶居高屋之上建瓴水也

高紀

秦皇兼天下都咸陽渭水貫

都以象天漢橫橋南渡以法牽牛 三輔黃圖

漢都形勢

漢書劉敬說上都關中上疑之左右大臣皆山東人多勸上都
洛陽曰東有成臯西有崤澗背河向洛其固亦可足恃張良曰
洛陽雖有此固其中小不過數百里地薄四面受敵此非用武
之國夫關中左崤函右隴蜀沃野千里南有巴蜀之饒北有胡
羌之利阻三面而守獨以一面東制諸侯此所謂金城千里天
府之國

吳都形勢

張紘言於孫權曰秣陵楚武王所置名為金陵秦始皇時望氣
者云金陵有王者氣故掘斷連岡改名秣陵有別小江可以貯

船宜為都邑劉備勸都之自京口遷都焉 吳錄 先亂時童謠云

寧飲建業水不食武昌魚寧歸建業死不就武昌居乃遷都建

業 吳志 諸葛亮至京口因觀秣陵山阜歎曰鍾山龍盤石頭虎

踞此帝王之宅 吳錄

關中形勢

陸贄奏今之關中古邦畿千里之地王業根本於是在焉秦得
用之以傾諸侯漢嘗因之以定四海蓋由憑山河之形勢宅田
里之上腴弱則內保一方當天無事可以養力俟時強則外
制東夏據域中之大可以蓄威昭德

古今文集

雜著

兩都賦序

班孟堅

或曰賦者古詩之流也昔成康沒而頌聲寢王澤竭而詩不作漢初定日不暇給至於武宣之世乃崇禮官考文章內設金馬石渠之署外興樂府叶律之事以興廢繼絕潤色鴻業是以衆庶說豫福應尤盛白麟赤鴈芝房寶鼎之歌薦於郊廟神雀五鳳甘露黃龍之瑞以爲年紀故言語侍從之臣若司馬相如吾丘壽王東方朔枚臯王褒劉向之屬朝夕論思日月獻納而公卿大臣御史大夫兒寬太常孔臧太中大夫董仲舒宗正劉德太子太傅蕭望之等時時間作或以抒下情而通諷諭或以宣上德而盡忠孝雍容揄揚著於後嗣抑亦雅頌之亞也故孝成之世論而錄之蓋奏御者千有余篇而後大漢之文章炳焉與

三代同風且夫道有夷隆學有窟密因時而建德者不以遠近易則故臯陶歌虞奚斯頌魯曾同見采於孔氏列於詩書其義一也稽之上古則如彼考之漢室又如此斯事雖細然先臣之舊式國家之遺美不可闕也臣竊見海內清平朝廷無事京師修宮室浚城隍而起苑囿以備制度西土耆老感懷怨思冀上之矚顧而盛稱長安舊制有陋雒邑之議故臣作兩都賦以極衆人之所眩矐折以今之法度其詞曰

西都賦

有西都賓問於東都主人曰蓋聞皇漢之初經營也嘗有意乎都河洛矣輟而弗康寔用西遷作我上都主人聞其故而覩其制乎主人曰未也願宿攄懷舊之蓄念發思古之幽情博我以

皇道弘我以漢京賓曰唯唯漢之西都在於雍州寔曰長安左
據函谷二嶺之阻表以太華終南之山右界褒斜隴首之險帶
以洪河涇渭之川衆流之隈汧涌其西華濱之毛則九州之上
腴焉防禦之阻則天地之隩區焉是故橫被六合三成帝畿周
以龍興秦以虎視及至大漢受命而都之也仰悟東井之精俯
協河圖之靈奉春建策留侯演成天人合應以發皇明乃眷西
顧寔惟作京於是睠秦嶺眺北阜挾灃灊據龍首圖皇基於億
載度宏規而大起肇自高而終平世增飾以崇麗歷十二之延
祚故窮奢而極侈建金城之萬雉呀周池而成淵披三條之廣
路立十二之通門內則街衢洞達閭閻且千九市開場貨別隧
分人不得顧車不得旋闐城溢郭旁流百廛紅塵四合烟雲相

連於是旣庶且富娛樂無疆都人士女殊異乎五方游士擬於
公侯列肆侈於姬姜鄉曲豪舉遊俠之雄節慕原常名亞春陵
連交合衆騁驚乎其中若乃觀其四郊浮遊近縣則南望杜霸
北眺五陵名都對郭邑居相承英俊之域絳冕所興冠蓋如雲
七相五公與乎州郡之豪傑五都之貨殖三選七遷充奉陵邑
蓋以強幹弱枝隆上都而觀萬國封畿之內厥土千里卓犖諸
夏兼其所有其陽則崇山隱天幽林穹谷陸海珍藏藍田美玉
商洛緣其隈鄠戶杜賓其足源泉灌注陂池交屬竹林果園芳
草甘木郊野之富號爲近蜀其陰則冠以九峻陪以甘泉乃有
靈宮起乎其中秦漢之所極觀淵雲之所頌歎於是乎存焉下
有鄭白之沃衣食之源提封五萬疆場綺分溝塍刻鏤

場音亦
塍音絕

也稱原隍龍鱗決渠降雨荷插成雲五谷垂穎桑麻鋪荼東郊
則有通溝大漕潰渭洞河汎舟山東控引淮湖與海通波西郊
離宮別館三十六所神池靈沼徃徃而在其中乃有九真之麟
大宛之馬黃支之犀條枝之鳥踰崑崙越巨海殊方異類至于
三萬里其宮室也体象乎天地經緯乎陰陽據坤靈之正位倣
太紫之圓方樹中天之華闕豐冠山之朱堂因瓌材而究寄抗
應龍之虹梁列芬捺以布翼荷棟桴而高驤雕玉璣以居楹裁
金璧以飾璫發五色之渥彩光爛朗以景彰於是左城右平重
軒三階閨房周通門闥洞開列鍾虛於中庭立金人於端闈仍
增崖而衡闕臨峻路而啓扉徇以離宮別寢承以崇臺間館煥

若列宿紫宮是環清涼宣溫神仙長年金華玉堂白虎麒麟區
宇若茲不可殫論增盤崔嵬登降炤爛殊形詭制每各異觀乘
茵步輦惟所息宴後宮則有掖庭椒房后妃之室合歡增城安
處常寧菑若椒風披香發越蘭林蕙草鴛鴦飛翔之列昭陽特
盛隆於孝成屋不呈材墻不露形裒以藻繡絡以編連隨侯明
月錯落其間金缸銜璧是爲列錢翡翠火齊流耀含英懸黎垂
棘夜光在焉於是玄墀釳砌玉階彤庭礪碱綵緻琳珉青瑋珊
瑚碧樹周阿而生紅羅飈纒綺組繽紛精曜華燭俯仰如神後
宮之號十有四位窈窕繁華更盛迭貴處乎斯列者蓋以百數
左右庭中朝堂百寮之位蕭曹魏邴謀謨乎其上佐命則垂統
輔翼則成化流大漢之愷悌盪亡秦之毒螫故令斯人揚樂和

之聲作畫一之歌功德著乎祖宗膏澤洽乎黎庶又有天祿石渠典籍之府命夫惇誨故老名儒師傅講論乎六藝稽合乎同異又有承明金馬著作之庭大雅宏達於茲為群元元本本殫見洽聞啓發篇章校理秘文周以鈎陳之位衛以嚴更之署總禮官之甲科群百郡之廉孝虎賁贅衣闈尹闈寺陞戟百重各有典司周廬千列微道綺錯輦路經營修除飛閣自未央而連桂宮北彌明光而亘長樂陵塏道而趨西墉棍建章而連外屬設壁門之鳳闕上觚稜而棲金爵內則別風一名嶢嶢眇麗巧折風而聳擢張千門而立萬戶順陰陽以開闔爾乃正殿崔嵬層構厥高臨乎未央經駘盪而出馭蘇蘇洞朽鳥宿以與天梁上反宇以蓋戴激日景而納光神明鬱其特起遂偃蹇而上躋軼雲

雨於太半虹電迴帶於焚楣雖輕迅與標狡猶愕胎而不能階攀井榦而未半目眩轉而意迷捨櫺檻而卻倚若顛墜而復稽魂怳怳以失度巡迴塗而下低既懲懼於登望降周流以徬徨步甬道以縈紆又杳窳而不見陽排飛闥而上出若遊目於天表似無依而洋洋前唐中而後太液寬滄海之湯湯揚波濤於碣石激神岳之蔣蔣濫瀛洲與方壺蓬萊起乎中央於是靈草冬榮神木叢生岩峻峭崿金石崢嶸抗仙掌以承露擢雙立之金莖軼埃塏之混濁鮮顛氣之清英騁文成之丕誕馳五利之所形庶松喬之群頰時遊從乎斯庭實列仙之攸館非吾人之所寧爾乃盛娛遊之壯觀奮太武乎上囿因茲以威戎夸狄耀威靈而講武事命荊州使起鳥詔梁野而驅獸毛群內闐飛羽

上覆接翼側足集禁林而屯聚水衡虞人修其營表種別群分部曲有署罟網連絃籠山絡野列卒周匝星羅雲布於是乘鸞輿備法駕帥群臣披飛廉入苑門遂繞鄴鄙歷上蘭六師發逐百獸駭殫震震爚爚雷奔電激草木塗地山淵反覆蹂躪其十二三乃拗怒而少息爾乃期門飲飛列刃鑽鏃要趺追蹤鳥驚觸絲獸駭值鋒機不虛掎弦不再控矢不單殺中必疊雙颯颯撲紛紛矰繳相纏風毛雨血灑野蔽天平原赤勇士厲猿狖失木豺狼攝窟爾乃移師趨險並蹈潛穢窮虎奔突狂兇觸蹶許少施巧秦城力折制掎標狡扼猛噬脆用挫脰徒搏獨殺挾師豹拖熊螭曳犀犛頓象羸超洞壑越峻巖躡巖巨石頽松栢仆叢林摧草木無餘禽獸殄夷於是工人子乃登屬玉之館歷長

楊之謝覽山川之體勢觀三軍之殺獲原野蕭條目極四裔禽相鎮壓獸相枕藉然後收禽會眾論功賜胙陳輕騎以行包騰酒車以斟酌割鮮野食舉烽命爵享賜畢勞逸齊大路鳴鑿容與徘徊集乎豫章之宇臨乎昆明之池左牽牛而右織女似雲漢之無涯茂樹蔭蔚芳草被隄蘭蕙發色曄曄猗猗若摘錦與布繡燿耀乎其陂鳥則玄鶴白鷺黃鵠鳩鸛鷓鴣鳧鳧鳧鷺鷺鴈朝發河海夕宿江漢沈浮往來雲集霧散於是後宮乘輅輅登龍舟張鳳蓋建華旗祛黼帷鏡清流靡微風澹淡浮櫂女謳鼓吹震真聲激越營呼厲天鳥羣翔魚窺淵招白鷗下雙鷓揄文竿出比目撫鴻置御繒繳方舟並驚俛仰極樂遂乃風舉雲搖浮遊溥覽前乘秦嶺後越九嶷東薄河華西涉岐雍宮館所

歷百有余區行所朝夕儲不改供禮上下而接山川究休祐之
所用采游童之謹誼第從臣之嘉頌于斯之時都都相望邑邑
相屬國藉十世之基家承百年之業士食舊德之名氏農服先
疇之畎畝商修族世之所鬻工用高曾之規矩粲乎隱隱各得
其所若臣者徒觀迹於舊墟聞之乎故老十分未得其一端故
不能徧舉也

東都賦

班孟堅

東都主人喟然而歎曰痛乎風俗之移人也子實秦人矜夸館
室保界河山信哉昭表而知始皇矣惡睹大漢之云爲乎夫大
漢之開原也奮布衣以登皇極繇數期而創萬代蓋六籍所不
能談前聖靡得而言豈當此之時功有橫而當天討有逆而順

民故畏敬度勢而獻具說蕭公權宜而拓其制時豈泰而安之
哉計不得以已也吾子曾不是睹顧曜後嗣之未造不亦闕乎
今將語子以建武之治永平之事監于秦清以變子之惑志往
者王莽作逆漢祚中缺天人致誅六合相滅于時之亂生民幾
亡鬼神泯絕壑無完樞邪罔遺室原野厭人之肉川谷流人之
血秦項之災猶不克半書契以來未之或紀故下人號而上訴
上帝懷而降監乃致命乎聖皇於是聖皇乃握乾符闡坤珍披
皇鬲稽帝文赫然發憤應若興雲霆擊昆陽憑怒雷震真遂超
大河跨北岳立號高邑建都河洛紹百王之荒屯因造化之盪
滌體元立制繼天而作系唐統接漢緒茂育羣生恢復疆宇勲
兼乎在昔事勤乎三五豈特方軌金迹紛綸后辟治近古之所

務蹈一聖之險易云爾且夫建武之元天地革命四海之內更造夫婦肇有父子君臣初建人倫寔始斯廼伏羲氏之所以基皇德也分州土立市朝作舟車造器械斯廼軒轅氏之所以開帝功也恭行天罰應天順民斯乃湯武之所以昭王業也遷都改邑有殷宗中興之則焉卽土之中有用成隆平之制焉不階尺土一人之柄同符乎高祖克已復禮以奉終始允恭乎孝文憲章稽古封岱勒成儀炳乎世宗案六經而校德眇古昔而論功仁聖之事既該而帝王之道備矣至于永平之際重熙而累洽盛三雍之上儀修袞龍之法服舖洪藻信申景錄揚世廟正雅樂人神之和允洽君臣之序既肅迺動大輅遵皇衢省方巡狩窮覽萬國之有無考聲教之所被散皇明以燭幽然後增周

舊修洛邑扇魏顯翼翼光漢京于諸夏總八方而爲之極是以皇城之內宮室光明闕庭神麗明不可踰儉不能侈外則因原野以作苑順流泉而爲沼發蘋藻以潛魚豐圃草以毓獸制同乎梁鄒誼合乎靈囿若乃順時節而蒐狩簡車徒以講武則必臨之以王制考之以風雅歷騶虞覽四職嘉車攻采吉日禮官整儀乘輿乃出於是發鯨魚鏗華鍾登王輅乘時龍鳳蓋焚麗和鑾玲瓏天官景從寢威盛容山靈護野屬御方神雨師汎灑風伯清塵千乘雷起萬騎紛紜元戎竟野戈鋌葦雲羽旄掃霓旌旗拂天焱焱炎揚光飛文吐爛生風欲野歎山日月爲之奪明丘陵爲之摧震真遂集乎中囿陳師案屯駢部曲列校隊勒三軍誓將帥然後舉烽伐鼓申命三驅輕車霆發驍騎電

驚田基發射范氏施御弦不睨禽轡不詭遇飛者未及翔走者
不及去指顧倏忽獲車已實樂不極般殺不盡物馬踈餘足士
怒未沫先驅復路屬車案節於是薦三犧效三物禮神祇懷百
靈御明堂臨辟雍揚緝熙宣皇風登靈臺考休徵俯仰乎乾坤
參象乎聖躬目中夏而布德瞰四裔而抗稜西盪河源東澹海
濬北動幽巖南耀朱垠殊方別區界絕而不鄰自孝武之所不
征孝宣之所未臣莫不陸轡水慄奔走而來賓遂綏哀牢開永
昌春王三朝會同漢京是日也天子受四海之圖籍膺萬國之
貢珍內撫諸夏外綏百蠻爾乃盛禮興樂供帳置乎雲龍之庭
陳百僚而贊羣后究皇儀而展帝容於是庭實千品旨酒萬鍾
列金罍班玉觴嘉珍御太牢享爾乃食舉雍徹太師奏樂陳金

石布絲竹鍾鼓鏗銅管弦擘煜抗五聲極六律歌九功舞八佾

韶武備恭古畢四夷聞奏德廣所及傑

禁休賣堯離罔不畢集

萬樂備百禮暨皇歡浹羣臣醉降煙煜調元氣然後撞鐘告罷
百僚遂退於是聖上親万方之歡娛久沐浴乎膏澤懼其侈心
之將萌而急於東作乃申舊章下明詔命有司班憲度昭節儉
示太素去後宮之麗飾損乘輿之服御抑工商之滯業興農桑
之上務遂令海內弃末而反本背僞而歸真女脩織紉男務耕
耘器用陶匏服尚素玄耻織靡而不服賤奇麗而不珍捐金於
山沉珠於淵於是百姓滌瑕盪穢而鏡至清形神寂寞耳目不
營嗜欲之源滅廉耻之心生莫不優游而自得玉潤而金聲是
以四海之內學校如林庠序盈門獻酬交錯俎豆莘莘下舞上

歌蹈德詠仁登降飫宴之禮既畢因相與嗟歎玄德讜言弘說
咸含和而吐氣頌曰盛哉平斯世今論者但知誦虞夏之書詠
殷周之詩講羲文之易論孔氏之春秋罕能精古今之清濁究
漢德之所由唯子頗識舊典又徒馳騁乎末流温故知新已難
而知德者鮮矣且夫僻界西戎險阻四塞修其防禦孰與處乎
土中平夷澗達萬方輻湊秦嶺九嶷涇渭之川曷若四瀆五岳
帶河沂洛嵩書之淵建章甘泉館御列仙孰與靈臺明堂統和
天人太液昆明鳥獸之囿曷若辟雍海流道德之富游俠踰後
犯義侵禮孰與同履法度翼翼濟濟子徒習秦阿房之造天而
不知京洛之有制識田谷之可闢而不知王者之無外主人之
辭未終西都賓矍然失容逡巡降階揅然意下拱手欲辭主人
曰復位今將授子五篇之詩賓既卒業乃稱曰美哉乎斯詩義
正乎揚雄事實乎相如匪唯主人之好學蓋乃遭遇乎斯時小
子狂簡不知所裁既聞正道請終身而誦之其辭曰

明堂詩

於昭明堂明堂孔陽聖皇宗祀穆穆煌煌上帝宴饗五位時序
誰其配之世祖光武普天率土各以其職荷與緝熙允懷多福

辟雍詩

迺流辟雍辟雍湯湯聖皇莅止造舟爲梁瞻瞻國老乃父乃兄
抑抑威儀孝友光明於赫太上示我漢行鴻化惟神永觀厥成

靈臺詩

迺經靈臺靈臺既崇帝勤時登爰考休徵三光宣精五行布序

習習祥風祁祁甘雨百穀蓁蓁庶草蕃廡屢惟豐年於皇樂胥

寶鼎詩

嶽修貢兮川效珍吐金景兮歆浮雲

歆氣出兒火驕反

賈鼎見

兮色紛緼煥其炳兮被龍文登祖廟兮享聖神昭靈德兮彌億年

白雉詩

啓靈篇兮披瑞圖獲白雉兮效素鳥嘉祥阜兮集皇都發皓羽兮奮翹英容潔朗兮於淳精彰皇德兮侔周成永延長兮膺天慶

西京賦

張平子

有憑虛公子者心姿体怵雅好博古學乎舊史氏是以多識前代之載言於安處先生曰夫人在陽時則舒在陰時則慘此牽

乎天者也處沃土則逸處瘠土則勞此繫乎地者也慘則歎於歡勞則禰於惠能違之者寡矣小必有之大亦宜然故帝者因天地以致化兆民承上教以成俗化俗之本有與推移何以覈諸秦據雍而彊周卽豫而弱高祖都西而秦光武處東而約政之興衰常由此作先生獨不見西京之事欬請爲吾子陳之漢氏初都在渭之涘秦里其朔寔爲咸陽左有函嶠重險桃林之塞綴以二華巨靈鬲負高掌遠蹶以流河曲厥跡猶存右有壘坻之隘隔閼華戎岐梁汧雍陳寶鳴鷄在焉於前則終南太一隆岫崔嵬隱嶺鬱律連岡乎嶓冢抱杜含鄠郿灃吐鎬爰有藍田珍玉是之自出於後則高陵平原據澗踞涇瀆漫靡迤作鎮於近其遠則有九嶷甘泉涸陰沍寒日北至而令凍此焉清暑

爾乃廣衍沃野厥田上上寔為地之奧區神臯自古以雍州積高神明之奧故

立時郊上帝諸神祠皆聚之廣雅曰臯局也謂神明之界局也又曰臯美也澤畔曰臯昔者大帝悅秦繆

公而覲之饗以鈞天廣樂帝有醉焉乃為金策錫用此土而翦

諸鶉首是時也金為疆國者有六然而四海同宅西秦豈不詭

哉自我高祖之始入也五緯相汁一作叶以旅于東井婁敬委輅

幹非其議夫啓其心人甚其之謀及帝圖時意亦有慮乎神祇

宜其可定以為天邑豈伊不虔思於天衢豈伊不懷歸於粉榆

天命不滔疇敢以渝於是量徑輪考廣袤經城郭營郭郭取殊

裁於八都豈稽度於往舊爾乃覽秦制跨周法狹百堵之側陋

增九筵之迫脅正紫宮於未央表曉關於閭闔疏龍首以抗殿

狀鬼岷以岌業巨雄虹之長梁結焚撩以相接帶倒茹於藻井

披紅葩之狎獵飾華棟與壁璫流景曜之韡曄雕楹玉碣繡栒

雲楣三階重軒鏤檻文櫂右平左城青瑣丹墀刊層平堂設切

厓隙坻堦鱗眴棧巖巉嶮襄岸夷塗脩路峻嶮重門襲故姦宄

是防仰福帝居陽曜陰藏洪鍾萬鈞猛虞趙趙負筍業而餘怒

乃奮翹而騰驤朝堂承東溫調延北西有玉臺聯以昆德以上皆殿

名嵯峨嵯峨罔識所則若夫長年神仙宣室玉堂麒麟朱鳥龍興

含章皆殿名譬眾星之環北極叛判赫戲以輝煌正殿路寢用

朝羣辟大厦耽耽九戶開闢嘉木樹庭芳草如積高門有闕列

壁金狄內有常侍謁者奉命當御外有蘭臺金馬迺宿迭居次

有天祿石渠校文之處重以虎威章溝嚴更之署徼道外周千

廬內附衛尉八屯警夜巡晝植鍛懸啟用戒不虞後宮則昭陽

飛翔增成合驩蘭林披香鳳凰鴛鸞羣窈窕之華麗嗟內顧之
所觀故其館室次舍采飾織縹裊以藻繡文以朱綠翡翠火齊
絡以美玉流懸黎之夜光綴隨珠以爲燭金祀玉階彤庭輝輝
珊瑚琳碧瓊珉璘彬珍物羅生煥若崑崙雖厥裁之不廣侈靡
踰乎至尊於是鉤陳之外閣道穹窿屬長樂與明光徑北通於
桂宮命般爾之巧匠盡變態乎其中於是後宮不移樂不徙懸
門衛供帳官以物辦恣意所幸下輦成燕窮年忘歸猶弗能徧
現異日新殫所未見惟帝王之神麗懼尊卑之不殊雖斯宇之
既坦心猶憑而未攄思比象於紫微恨阿房之不可廬覲脉往
昔之遺館獲林光於秦餘處甘泉而爽塏乃隆崇而弘敷既新
作以迎風增露寒與儲胥託喬基於山岡直喘霓以高居通天

諛以竦峙徑百常而莖擢上辨華以交紛下刻削其若削翔
鷗仰而弗逮况青鳥與黃雀伏櫺檻而頽聽聞雷霆之相激栢
梁既災越巫陳方建章是經用厭火祥營宇之制事兼未央園
闕竦以造天若雙碣之相望鳳翥於薨標咸遡風而欲翔闔
闔之內別風嶢嶢何工巧之瑰瑋交綺豁以疏寮干雲霧而上
達狀亭亭以岩岩神明崛其特起井幹疊而百增峙遊極於浮
柱結重欒以相承累層構而遂躋望北辰而高興消零埃於中
宸集重陽之清激瞰宛虹之長鬢察雲師之所憑上飛闥而仰
眺正覩瑤光與玉繩將乍往而未半休悼慄而聳兢非都盧之
輕趨孰能超而究升馭娑蘇可駘盪臺臺名燾泉桔槔形枌諸承光
臺名睽眾庠豁形增桴重焚鏗鏗列列反宇業業飛檐轆轤流景

內照引曜日月天梁之宮寔開高闈旗不脫倚結駟方斬櫟輻
 輕驚容於一扉長廊廣廡連閣雲蔓閉庭詭異門千戶萬重閨
 幽闈轉相逾延望窳窳以徑廷眇不知其所返既乃珍臺蹇產
 以極壯塏道邇倚以正東似閨風之遐坂橫西迤而絕金墉城
 尉不弛柝而內外潛通前開唐中彌望廣濶顧臨太液滄池湊
 沆漸臺立於中央赫昡昡以弘敞清淵洋洋神山峩峩列瀛洲
 與方丈夾蓬萊而駢羅上林岑以壘巖下嶄巖以崑崙長風激
 於別島起洪濤而揚波浸石菌於重涯濯靈芝於朱柯海若游
 於玄渚鯨魚失流而蹉跎於是采少君之端信據樂天之貞固
 立修葺之仙掌承雲表之清露屑瓊藥以明餐必性命之可度
 美往昔之松喬或羨門乎天路想升龍於鼎湖豈時俗之足慕

若歷世而長存何遽營乎陵墓徒觀其城郭之制則旁開三門
 參塗夷庭方軌十二街衢相經厓厓里端直甍宇齊平北闕甲第
 當道直啓程巧致功期不阨隆多木衣綈錦土被朱紫武庫禁
 兵設在蘭綺匪石顯匪董賢疇能宅此爾乃廓開九市通闈帶
 闈旗亭五重俯崇百隧周制大胥今也惟尉壞貨方至鳥集鱗
 萃鬻者兼羸求者不匱爾乃商賈百族裨販夫婦鬻良雜苦虫
 眩邊鄙何必昏電於作勞邪羸優而足恃彼肆人之男女麗美
 奢乎許史若夫翁伯濁質張里之家翁伯以販脂而傾縣邑濁
氏以賣脯而連騎質氏以
洗劑而鼎食張里
以馬醫而擊鍾擊鍾鼎食連騎相過東京公侯壯何能加都
 邑遊俠張趙之倫齊志無忌擬跡田文輕死重氣結黨連羣實
 蕃有徒其從如雲茂陵之原涉陽陵之朱安世趨悍虓豁如虎

如貍睚眦蔓芥屍僵路隅丞相欲以贖子罪陽石汚而公孫誅

若其五縣遊麗辨論之士街談巷議彈射藏否剖析毫釐迫

肌分理所好生毛羽所惡成瘡痂郊甸之內鄉邑殷隱賑軫五

都貨殖既遷既引商旅聯榻隱隱展展冠帶交錯方輅接軫封

畿千里統以京尹郡國宮館百四十五右極蓋知留屋知栗并

卷鄴鄆戶左暨河華遂至號土上林禁苑跨谷彌阜東至鼎湖

斜界細柳撩長楊而聯五柞繞黃山而款牛首繚垣縣聯四百

餘里植物斯生動物斯止衆鳥翩翩羣獸駉否駉俟行走貌散

似驚波聚似京峙伯益不能名隸首黃帝史不能紀林麓之饒

于何不有木則樅栝椶楠梓械梗楓嘉卉灌叢蔚若鄧林鬱蒼

菱葍穠肅爽穠慘吐葩颺榮布葉垂陰草則葳莎菅蒯微蕨荔

芫王芻苴萌臺戎葵懷羊莽葦蓬葦彌皋被岡篠簜敷衍編町

成篁山谷原隰決滌無疆迺有昆明靈沼黑水玄吐周以金隄

樹以柳杞豫章珍館揭焉中峙牽牛立其左織女處其右日月

於是乎出入象扶輿與濛汜其中則有龜鼉巨鱉鱣鯉鱖鮪

鯢鱔鮒修額短項大口折鼻詭類殊種鳥則鸚鵡鴝鳩鴛鴦鴻

鸚上春候來季秋就温南翔衡陽北棲鴈門奮隼歸鳧沸卉駢

旬衆形殊聲不可勝論於是孟冬作陰寒風肅殺雨雪飄飄冰

霜慘烈百卉且零剛蟲搏擊尔乃振天維行地絡蕩川瀆歛林

薄鳥畢駭獸咸作草伏木棲寓居穴託起彼集此霍繹紛泊在

彼靈囿之中前後無有垠鍔端崖也虞人掌焉為之營域焚萊

平場柞木剪棘結宜百里迆岡杜蹊塞塵鹿麋麋駢田徧交天

子乃駕雕軫六駿駁戴翠帽倚金較璿弁玉纓遺光儵爚建玄
弋樹招搖棲鳴鳶曳雲梢弧旌枉矢虹旃蜺旄華蓋承辰天畢
前駟千乘雷動萬騎龍趨屬車之遙載獫狁僑匪惟翫好廼有
祕書小說九百本自虞初從容之求寔俟寔儲於是蚩尤秉鉞
奮鬣被般禁禦不若順也以知神姦魑魅蝸蚘莫能逢旃陳虎
旅於飛廉正壘壁乎上蘭結部曲整行伍燎京薪賊雷鼓縱獵
徒赴長莽迓卒清候武士赫怒緹衣韎韐睚眦拔扈光炎燭天
庭鬻聲震海浦河渭爲之波盪吳嶽爲之阨雉堵百禽悒遽駭
瞿奔觸喪精忘魂失歸忘趨投輪關輻不邀自遇飛罕擣箭朔
流鎬擣並自來擣朴矢不虛舍鋌不苟躍當足見踈值輪被轢歷
僵禽斃獸爛若磧礫但觀且羅之所胃結竿及之所捏橫畢義

箴楚角之所攙捕徒搏之所撞松白日未及移晷已獮其十七
八若夫遊鷗高翬絕阮踰斤兔兔聯猿陵巒超壑比諸東郭莫
之能獲乃有迅羽輕足尋景追括鳥不暇舉獸不得發青骹交苦
繫於鞬下韓盧噬於練末及其猛毅髮鬣毛鬣隅目高睨威懾
兕虎莫之敢仇乃使中黃名國之士育獲之疇朱鬣莫匪切帶鬣髻頭飾也
作計切以麻雜爲髻如今鼠也髮露植髮如竿袒裼戟手陸踞盤桓臯赤象圈
巨延擅佛猥胃批泮獠使後酸指枳落突棘藩梗林爲之靡拉
樸叢爲之摧殘輕銳標狡趨捷之徒赴洞穴探封狐陵重巘獵
昆駮杪木末獲獬狃超殊榛帶飛颺是時後宮嬖人昭儀之倫
當亞於乘輿慕賈氏之如臯樂比風之同車盤于遊畋其樂只
且於是鳥獸殫目觀窮遷延邪睨集乎長楊之宮息行夫展車

功五軍六師千列百重酒車酌醴方駕授養升觴舉燧既醕鳴

鍾膳夫馳騎察貳廉空察廉皆視也灸炮駁清酤支亦多也皇恩溥洪

德施徒御悅士志疲巾車命駕迴旆右移儀伴乎五柞之館旋

憇乎昆明之池登豫章簡去嬾去紅蒲且子余發弋高鴻挂白

鶴聯飛龍蟠不特往必加雙於是命舟牧為水嬉浮鷁首翳

雲芝垂翟葆建羽旗齊棹女縱權歌發引去和去校鳴葭奏淮

南度陽阿感河馮懷相娥驚蝸蝓憚蛟蛇然後釣魴鱧纒鯁鮒

披紫貝搏耆龜鳩搯水豹馬潛牛澤虞是濫何有春秋摘溲了

澣搜川瀆布九罭設罟獨麗鹿揲責交鯤鯨殄水族藻藕拔蜃

蛤刺普逞欲改斂效獲麇麋於道摻古巧蓼老泮半浪郎乾池

滌藪上無逸飛下無遺走獲胎拾卵蝼蛄盡取取樂今日遑恤

我後既定且寧焉知傾阨箱大駕幸乎平樂之館張甲乙而襲

翠被攢珍寶之玩好紛瑰麗以多靡臨迴望之廣場程角觚之

妙戲烏獲扛鼎都盧尋撞衡狹鷺濯育突鈇鋒跳九劔之揮霍

走索上而相逢華嶽峩峩假作也岡巒參差神木靈草朱實離離

總會仙倡戲豹舞熊白虎鼓瑟蒼龍吹篴女娥坐而長歌聲清

暢而蛟蛇洪巖立而指麾被毛羽而襍禡度曲未終雲起雪飛

初若飄飄後遂霏霏復陸重閣轉石成雷礚礚激而增響磅礚

象乎天威巨獸百尋是為蔓延去神山崔巍欵從背見熊虎升

而挈攫猿狖招而高援怪獸陸梁大雀跋匕白象行孕垂鼻麟

輶海鱗變而成龍狀踈踈以蜃蜃舍利颯颯化為仙車驪駕四

輶海鱗變而成龍狀踈踈以蜃蜃舍利颯颯化為仙車驪駕四

輶海鱗變而成龍狀踈踈以蜃蜃舍利颯颯化為仙車驪駕四

輶海鱗變而成龍狀踈踈以蜃蜃舍利颯颯化為仙車驪駕四

輶海鱗變而成龍狀踈踈以蜃蜃舍利颯颯化為仙車驪駕四

輶海鱗變而成龍狀踈踈以蜃蜃舍利颯颯化為仙車驪駕四

鹿芝蓋九葩蟾蜍與龜水人弄蛇竒幻儵忽易貌分形吞刀吐
火雲霧杳冥畫地成川流渭通涇東海黃公赤刀粵祝異厭白
虎卒不能救挾邪作蠱於是不售爾乃建戲車樹修旃僂僂逞
材上下翩翩突倒投他豆而跟絳譬殞絕而復聯百馬同轡騁
足金馳撞末之伎態不可彌弯弓射乎西羗又顧發乎鮮卑於
是衆變盡心醜醜盤樂極悵懷萃陰戒期門微行要平屈降尊
就卑懷璽藏紋便旋閭閻周觀郊遂若神龍之變化彰后皇之
爲貴然後歷掖庭適歡館捐衰色從嬾婉促中堂之陞坐羽觴
行而無筭祕舞更奏妙材騁伎妖蠱古艷夫夏姬美聲暢於虞
氏始徐進而羸形似不任乎羅綺嚼清商而却轉增嬋娟以眦
豸紛縱體而迅赴若驚鶴之羣熙振朱徒於盤樽奪長袖之颯

纒要杏紹修態麗服賜菁略藐流盼一顧傾城展季桑門誰能
不營列爵十四競媚取榮盛衰無常惟愛所丁衛后興於鬢髮
飛燕寵於體輕爾乃逞志究欲窮身極娛鑿戒唐詩他人是媮
自君作故何禮之拘增昭儀於婕妤賢旣公而又侯許趙氏之
無上思致董於有虞王閔爭於坐側漢載安而不渝高祖創業
繼體承基暫勞永逸無爲而治耽樂是從何慮何思多歷年所
二百餘期徒以地沃野豐百物殷阜巖險周固襟帶易守得之
者強據之者久流長則難竭抵深則難朽故奢泰肆情而馨烈
彌茂鄙生生乎三百之外傳聞於未聞之口魯髣髴其若夢未
一隅之能覩此何與於般人屢遷前八而後五居相圯耿不常
厥土盤庚作誥帥人以苦方今聖上同天號於帝皇掩四海而

爲家富有之業莫我大也徒恨不能以靡麗爲國華獨儉嗇以
齷齪忘蟋蟀之謂何豈欲之而不能將能之而不欲歟願聞所
以辯之之說也

東京賦

張平子

安處先生於是似不能言者撫然有間乃莞爾而笑曰若客所
謂末學膚受貴耳而賤目者也苟有胷而無心不能節之以禮
宜其陋今而榮古矣由余以西戎孤臣而慳古抱穆公於宮室
如之何其以溫故知新研覈是非近於此惑周姬之末不能厥
政政用多僻始於宮隣卒於金虎嬴氏搏翼擇肉西邑是時也
七雄並爭競相高以奢麗楚築章華於前趙建崇臺於後秦政
利甯長距終得擅場思專其侈以莫已若乃構阿房起甘泉結

雲閣冠南山征稅盡人力殫然後收以太半之賦威以叅夷之

刑其遇民也若薙氏之芟草旣蘊崇之又行火馬悵悵黔首豈

徒踣局高天踳藉厚地而已哉乃救死於其頸毆以就役唯力

是視百姓不能忍是用息肩於大漢而欣戴高祖高祖膺錄受

圖順天行誅杖朱旗而建大號所推必亡所存必固掃項軍於

垓下繼子嬰於軹塗因秦宮室據其府庫作洛之制我則未暇

是以西匠營宮目翫阿房規摹踰溢不度入聲不藏損之又損然

尙過於周堂觀者狹而謂之陋帝已譏其泰而弗康且高旣受

命建家造我區夏矣文又躬自菲薄治致升平之德武有大啓

土宇封禪肅然之功宣重威以撫和戎狄呼韓來享咸用紀宗

存主饗祀不輟銘動彝器歷世彌光今捨純懿而論爽德以春

秋所諱而為美談宜無嫌於往初故蔽善而揚惡抵吾子之不
 知言也必以肆奢為賢則是黃帝合宮有虞總章固不如夏癸
 之瑤臺殷辛之瓊室也湯武誰革而用師哉蓋亦覽東京之事
 以自寤且夫天子有道守在海外守位以仁不恃隘害苟民志
 之不諒何云巖險與襟帶秦負阻於二關卒開項而受沛彼偏
 據而規小豈如宅中而圖大昔先王之經邑也掩觀九奧靡地
 不營土圭測景不縮不盈總風雨之所交然後以建王城審曲
 面勢沂洛背河左伊右瀍西阻九阿東門于旋盟津達其後太
 谷通其前廻行道乎伊闕邪徑捷乎輟轅太室作鎮揭以熊耳
 底柱輟流鐔以大岨温液湯泉黑丹石緇王鮪岫居能奴來鯀
 三趾處妃攸館神用挺紀龍圖授羲龜書昇妙召伯相宅卜惟

洛食周公初基其繩則直長弘魏舒是廓是極經途九軌城隅

九雉度徒洛反堂以筵度室以几京邑翼翼四方所視漢初弗

之宅也故宗緒中圯巨猾間豐竊弄神器歷載三六偷安天位

于時蒸民罔敢或二其取威也重矣我世祖忿之乃龍飛白水

鳳翔參墟授鉞四七共工是除攬槍星名旬始羣凶靡餘區宇

又寧思和求中睿哲玄覽都茲洛宮日止日時昭明有融既光

厥武仁洽道豐登岱勒封與黃比崇逮至顯宗六合殷昌乃新

崇德遂作德陽啓南端之特闈立應門之將將昭仁惠於崇賢

抗義聲於金商飛雲龍於春路屯神虎於秋方建象魏之兩觀

旌六典之舊章其內則含德章臺天祿宣明温飭迎春壽安永

寧飛閣神行莫我能形濯龍芳林九谷八溪芙蓉覆水秋蘭被

涯渚戲躍魚淵游龜螭永安離宮修竹冬青陰池幽流玄泉冽
清鳴匹鷓鴣秋棲鷓鴣春鳴雉鳩麗黃閨閨嚶嚶於南則前殿靈
臺蘇驩安福諺門永室門也曲榭邪阻城洫奇樹珍果鉤盾所職西
登少華亭候修勅九龍之內寔曰嘉德西南其戶匪雕匪刻我
后好約乃宴斯息於東則洪池清瀆綠水澹澹內阜川禽外豐
葭茨獻驚鱗與龜魚供蝸麤蒲萑與菱芡其西則有平樂都場
示遠之觀龍雀蟠蜿天馬半漢瑰異譎詭粲爛炳煥奢未及侈
儉而不陋規遵王度動中得趣於是觀禮禮舉義具經始勿亟
成之不日猶謂爲之者勞居之者逸慕唐虞之茅茨思夏后之
卑室乃營三宮布政頒常復廟重屋八達九房規天矩地授時
順鄉造舟清池惟水泱泱左制辟雍右立靈臺因進距襄表賢

簡能馮皮赤察夷也觀禋祈禱音絲禳災於是孟春元日羣后旁

戾百僚師師于胥斯洎藩國奉聘要荒來質具惟帝臣獻琛執
贄當觀於殿下者蓋數萬以二爾乃九賓重臚人列崇牙張鏞
鼓設卽將司階虎戟交鍛龍輅充庭雲旗拂霓夏正三朝庭燎
晷晷撞洪鍾伐靈鼓旁震八鄙軒轅隱訇若疾霆轉雷而激迅
風也是時稱警蹕已下雕輦於東廂冠通天佩玉璽紆皇組要
于將負斧宸次席紛純左右玉几穆穆而南面以聽矣然後百
辟乃入司儀辨等高卑以班璧羔皮帛之贄旣奠天子乃以三
揖之禮禮之穆穆焉皇皇焉濟濟焉將將焉信天下之壯觀也
乃羨公侯卿士登自東除訪萬機詢朝政勤恤民隱而除其青
人或不得其所若已納之於隍荷天下之重任匪怠皇以寧靜

發京倉散禁財賚皇僚逮輿臺命膳夫以大饗饗餼浹乎家陪
春醴惟醇燔炙芬芬君臣歡康具醉薰薰千品萬官已事而跋
亦作竣退也勤屢省懋乾乾清風協於玄德淳化通於自然憲先靈
以齊軌必三思以顧愆招有道於仄陋開敢諫之直言聘立園
之耿繫旅束帛之粢粢上下通情式宴且盤及將祀天郊報地
功祈福乎上玄思所以爲虔肅肅之儀盡穆穆之禮殫然後以
獻精誠奉禋祀日允矣天子也乃整法服正冕帶珩統丁敢紘
纒玉笄綦會火龍黼黻藻繅肇厲結飛雲之袷輅對翠羽之高
蓋建辰旒之太常紛焱悠以容裔六玄蚪之奕奕齊騰醴而沛
文龍輶華轡金鏤鏤錫方鉉左纛鉤膺玉環鑿聲噦噦和鈴缺
缺重輪貳轄疏轂飛軫羽蓋葳蕤葩瑤瓜曲莖順時服而設副

咸龍旂而繁纓立戈迺憂農與輅木厲車九九乘軒並轂班伏
駟重旃朱旒青屋奉引既畢先輅乃發鸞旗皮軒通帛精旒雲
罕九旒闐戟轆轤鬣髮被纁虎夫戴鷩駘附承華之蒲梢飛流
蘇之騷殺總輕武於後陳奏嚴鼓之嘈囂才達戎士介而揚揮
戴金鉦而建黃鉞清道案列天行星陳肅肅習習隱隱麟麟殿
丁見未出乎城闕飾以迴乎郊畛盛夏后之致美爰恭敬於明
神爾乃孤竹之管雲和之瑟雷鼓叢叢六變既畢冠華秉翟列
舞八佾元祀惟稱羣望咸秩颺標燎之炎煬樣致高煙乎太一
神歆馨而顧德祚靈主以元吉然後宗上帝於明堂推光武以
作配辨方位而正則五精帥而來摧尊赤氏之朱光四靈茂而
允懷於是春秋改節四時迭代蒸蒸之心感物增思躬追養於

宗祧奉蒸嘗與禴祠物性辯編省設其福衡毛包豚胎博亦有
和羹滌濯靜嘉禮儀孔明萬舞奕奕鍾鼓皇皇靈祖皇考來顧
來享神具醉止降福穰穰及至農祥晨正土膏脉起乘鸞輅而
駕蒼龍介保介馭間以剡耜躬三推於天田修帝籍之千畝供
稀郊之粢盛必致思乎勤已兆民勸於疆場咸懋力以耘耔春
日載陽合射辟雍設業設虞宮懸金鑄鼗鼓路鼓樹羽幢幢於
是備物物有其容伯夷起而相儀后夔坐而爲工張大侯制五
正設三乏扉翦司旌并夾旣設備乎廣庭於是皇輿夙駕羣仕
佳於東階以湏消啓明掃朝霞登天光於扶桑天子乃撫玉輅
時乘六龍發鯨魚鏗華鍾大丙弭節風后陪乘攝提運衡徐至
於射宮禮事展樂物具王夏闕騶虞奏決拾旣次彫弓斯設達

餘萌於暮春昭誠心以遠喻進明德而崇業滌饗養之貪欲仁
風衍而外流誼方激而遐驚日月會於龍甃闕恤人事之勞疚
因休力以息勤致歡忻於春酒執鑿刀以袒割奉觴豆於國叟
降至尊以訓恭送迎拜乎三壽敬慎威儀示民不偷我有嘉賓
其樂愉愉聲教布濩盈溢天區文德旣昭武節是宣三農之際
曜威中原歲惟仲冬大閱西園虞人掌焉先期戒事悉率百禽
鳩諸靈囿獸之所同是謂告備乃御小戎撫輕軒中畋四牡旣
佶且閑戈矛若林牙旗繽紛迄于上林結徒爲營叙和樹表司
鐸授鉦坐作進退節以軍聲三令五申示戮斬牲陳師鞠旅教
達禁成火列眞舉武士星敷鵝鶴魚麗箕張翼舒軌塵掩迹匪
疾匪徐馭不詭遇射不剪毛升獻六禽時膳四膏馬足未極輿

徒不勞成禮三驅解罟放麟不窮樂以訓儉不殫物以昭仁慕
 天之弛罟因教祝以懷民儀姬伯之渭陽失熊羆而獲人澤
 浸昆虫威振八寓好樂無荒允文允武薄狩于敖既瑣瑣焉岐
 陽之蒐又何足數爾乃卒歲大難毆除羣瀆方相秉鉞巫覡操
 芻俵子萬童丹首玄製桃弧棘矢所發無臬刈飛礮雨散剛瘳
 必斃煌火馳而星流逐赤疫於四裔然後凌天池絕飛梁梢螭
 魁斫測角 猶 葵筆 狂惡戾 鬼 斬蛟蛇腦方良囚耕父於清泠溺女
 愆於神潢殘孽魑與罔象殪野仲而殲游光八靈為之震懼况
 魁蠶與畢方度朔作梗守以鬱壘神荼副焉對操索葦目察區
 甌司執遺鬼京室密清罔有不韙於是陰陽交和庶物時育卜
 征考祥終焉允淑乘輿巡乎岱岳勸稼穡於原陸同衡律而一

軌量齊急舒於寒燠省幽明以黜陟乃反旆而廻復望先帝之
 舊墟慨長思而懷古俟闐風而西遐致恭祀於高祖既春游以
 發生啓諸蟄於潛戶度秋豫以收成觀豐年之多稔嘉田畷之
 匪懈勤致資於九扈左瞰陽谷右睨玄圃眇天末以遠期規萬
 世而大摹目歸來以釋勞膺多福以安愈羊主反 總集瑞命備
 致嘉祥園林氏之駟虞擾澤馬與騰黃鳴女牀之鸞鳥舞丹穴
 之鳳凰植華平於春圃豐朱草於中唐惠風廣被澤洎幽荒北
 爨丁令南諧越裳西包大秦東過樂浪重舌之人九譯僉稽首
 而來王是故論其遷邑易京則同規乎殷盤改奢節儉則合美
 乎斯干登封降禪則齊德乎黃軒為無為事無事永有民以孔
 安遵節儉尚素樸思仲尼之克己復老氏之常足將使心不亂

其所在目不見其可欲賤犀象簡珠玉藏金於山抵壁於谷翡翠不裂璊瑁不簇所貴惟賢所寶惟穀民去末而反本咸懷忠而抱慤于斯之時海內同悅曰吁漢帝之德馨侯其禕而蓋莫莢為難時也故曠世而不覲惟我后能殖之以至和平方將數諸朝階然則道胡不懷化胡不柔聲與風翔澤從雲遊萬物我賴亦又何求德寓天覆輝烈光燭狹三王之趨越軼五帝之長驅踵二皇之遐武誰謂駕運而不能厲東京之懿未聲值余有犬馬之疾不能究其精詳故粗為賞言其梗槩如此若乃流道忘友放心不覺樂而無節後離其戚一言幾於喪國我未之學也且夫爭瓶之智守不假噐况纂帝業而輕天位瞻仰二祖厥庸孔肆常翹翹以危懼若乘奔而無轡白龍魚服見困豫且雖

萬乘之無懼猶怵惕於一夫終日不離於輜重獨微行其焉如夫君人者韃纘塞耳車中不內顧珮以制容鑾以節塗行不變玉駕不亂步却走馬以糞車何惜騶裏與飛兔方其用財取物常畏生類之殄也賦政任役常畏人力之盡也取之以道用之以時山無槎枿不戾鳥老胎草木繁廡鳥獸阜滋民忘其勞樂輸其財百姓同於饒行上下共其雍熙洪恩素蓄民心固結執義顧王夫懷貞節忿姦慝之干命愆皇統之見替玄謀設而陰行合二九而成譎登聖皇於天階章漢祚之有秩徒結若此故王業可樂焉今公子苟好勦民以媮樂忘民怨之為仇也好殫物以窮寵忽下叛而生憂也夫水所以載舟亦所以覆舟堅冰作於履霜尋木起於蘖栽昧且不顯後世猶怠况初制於甚

雲霓若夫天封大孤列仙之瓠上平行而曠濶下濛籠而崎嶇
坂坻巖嶂而成壑谿豁壑錯繆而盤紆芝房菌蠢生其隈玉膏溢
溢流其隅崑崙無以多閭風不能踰其木則檉松楔櫻椶栢栝
檀楓柙櫨櫨帝女之桑楸枿枿柘櫨檀結根竦本垂條婵
媛布綠葉之萋萋敷華榮之蕤蕤玄雲谷而重陰谷風起而增
哀擢立叢駢青冥旰暝香藹蒼鬱於谷底森蓊蓊而刺天虎豹
黃熊游其下穀穀攬徕徒戲其巔鸞鸞鷓鴣翎其上騰發飛翮
棲其間其竹則籊籊箛篴篠簞綠延坻坂澶漫陸離阿那
上翁茸上風靡雲披尔其川瀆則油澧藻澹發源巖穴潛窟於
洞出没滑漉滴布濩漫汙洋溢總括趣飲呼答箭馳風
疾流湍投激戢研普分汎八翱普耕軋鳥默長輸去遠逝湲流

泪咸汨其水虫則有蠓龜鳴蚺潜龍伏螭鱣鱣鰮龜鼉鮫蛟
巨蜂函珠駁瑕委蛇其陂澤則有鉗盧玉池赭陽東陂貯水滄
漭亘望無涯其草則有蕪平聲苧直呂蘋煩莞桓蔣將蒲孤廉
腹藻茆菱芡芙蓉含華從風發榮菲披芳葩其鳥則有鴛鴦鸕
鷖鴻鵠鴛鴦鷓鴣苦札鴟雅札鵲鷓鴣鷓鴣鵲鷓鴣鸕鷀和鳴澹淡隨
波其水則開竇灑流浸彼稻田溝澮脉連堤塍相轄丘均朝雲
不興而潢潦獨臻决滌則曠為漑為陸冬稔夏穡側角隨時光
孰其原野則有桑漆麻紵菽麥稷黍百谷蕃廡翼翼與與若其
園圃則有蓼葍蕤荷諸蔗薑藟荇芡芋瓜乃有櫻梅山柿侯桃
梨栗棗鄂棗若榴穠橙鄧橘其香草則有薜荔蕙若薇蕪蓀葦
曖曖翁蔚含芬吐芳若其厨膳則有華薈重秬秩履皇香杭

歸鴈鳴鷄

丁滑反

黃稻鱸魚以為芍藥

五味之主

酸酣滋味百種千名

春卯夏筍秋韭冬菁蘇葑紫薑佛徹羶腥酒則九醞其醴十旬

兼清湊敷徑寸浮蟻若泝其甘不爽醒而不醒及其糾宗緩族

倫祠蒸嘗以速遠朋嘉賓是將揖讓而升宴于蘭堂珍羞琅玕

充溢圓方琢瑀狎獵金銀琳琅侍者蠱治媚巾幘鮮明被服雜

錯履躡華英僊才齊敏受爵傳觴獻酬既交率禮無違彈琴澹

奴牒簫流風徘徊清角發微聽者增哀客賦醉言歸王稱露未

晞接歡宴於日夜終愷樂之令儀於是暮春之禊元巳之辰方

軌齊軫被于陽瀕朱帷連網曜野映雲男女效服絡繹繽紛致

飾程蠱治佻紹便娟微眺流睇蛾眉連卷於是齊僮唱兮列趙

女坐南歌兮起鄭舞白鶴飛兮繭曳緒修袖繚繞而浦庭羅襪

躡蹠而容與翩翩其若絕眩將墜而復舉翹遙遷延蹶躡躡

躡結九秋之增傷怨西荆之折盤彈箏吹笙更為新聲寡婦夜

吟鷓鴣哀鳴坐者悽歎蕩魂傷情於是羣士放逐馳乎沙場錄

與齊鏹黃間機張足逸驚飈鏃析毫芒俯貫魴鱖仰落雙鷓魚

不及窳鳥不暇翔爾乃撫輕舟兮浮清池亂北渚兮揭南涯汰

澆滯兮船容喬陽侯澆兮掩鳧鷖追水豹兮鞭蝸蝓憚夔龍兮

怖蛟螭於是日將逮昏樂者未荒收歡命駕分背迴塘車雷震

而風厲馬鹿超而龍驤夕暮言歸其樂難忘斯乃游觀之好耳

目之娛未覩其美者焉足稱舉夫南陽者真所謂漢之舊都也

遠世則劉后甘厥龍醢視魯縣而來遷奉先帝之追孝立唐祀

於堯山固靈根於夏葉終三代而始蕃非純德之宏圖孰能揆

於堯山固靈根於夏葉終三代而始蕃非純德之宏圖孰能揆

而處旃近則考侯思故匪居匪寧穢長沙之無樂歷江湘而北
征曜朱光於白水會九世之飛榮察茲邦之神偉啓天心而寤
靈於是宮室則有園廬舊宅隆崇崔嵬御房穆以華麗連閣煥
其相徽聖皇之所逍遙靈祇之所保綏章陵鬱以青葱清廟肅
以微微皇祖歆而降福彌萬祀而無衰帝王臧其擅美詠南音
以顧懷且其君子弘懿明獻允恭溫良容止可則出言有章進
退屈伸與時抑揚方今天地之睢刺帝亂其政豺虎肆虐真人
革命之秋也爾其則有謀臣武將皆能攫戾執猛破堅摧剛排
捷陷肩蹙蹈咸陽高祖階其塗光武攬其英是以閔門反距漢
德久長及其去危乘安視人用遷周召之儔據鼎足焉以虜王
室縉紳之倫經綸訓典敷納以言是以朝無闕政風烈昭宣也
於是乎鯢齒眉壽船背之叟皤然被黃髮者喟然相與歌曰望
羣華之葳蕤建太常兮裊裊駟飛龍兮駸駸振和鑾兮京師總
萬乘兮徘徊按乎路兮來歸豈不思天子南巡之辭者哉遂作
頌曰皇祖止焉先祖起焉據彼河洛統四海焉本枝百世位天
子焉永世克孝懷桑梓焉真人南巡覩舊里焉

新編古今事文類聚續集卷之一終

子為永世其孝對桑梓無其人南溪贈蕭里蕭

其曰皇師上無大師跋焉對好何谷益四武無本於百廿出天

翠華之蕩琛數太常令其拜賜乘請令魏魏對味盤令京相獻

於其平顯幽眉壽論資之更漸然好黃髮香賈然於與福曰望

新編古今事文類聚續集卷之二

建安 祝穆 和父 編

金陵 唐富春 子和 刊

居處部

古今文集

雜著

三都賦序

左太冲

蓋詩有六義焉其二曰賦楊雄曰詩人之賦麗以則班固曰賦者古詩之流也先王採焉以觀土風見綠竹猗猗則知衛地淇澳之產見在其版屋則知秦地西戎之宅故能居然而辨八方然相如賦上林而引盧橘夏熟楊雄賦甘泉而陳玉樹青葱班

固賦西都而歎以出比目張衡賦西京而述以游海若假稱珍
恠以爲潤色若斯之類匪啻于茲考之果木則生非其壤校之
神物則出非其所於辭則易爲藻飾於義則虛而無徵且夫玉
卮無當雖寶非用侈言無驗雖麗非經而論者莫不詆訐其研
精作者大抵舉爲憲章積習生常有自來矣余旣思摹二京而
賦三都其山川城邑則稽之地圖鳥獸草木則驗之方志風謠
歌舞各附其俗魁梧長者莫非其舊何則發言爲詩者詠其所
志也升高能賦者頌其所見也美物者貴依其本讚事者宜本
其實匪本匪實覽者奚信且夫任土作貢虞書所著辨物居方
周易所慎聊舉其一隅攝其體統歸諸詁訓焉

蜀都賦

有西蜀君子者言於東吳王孫曰蓋聞天以日月爲綱地以四
海爲紀九土星分萬國錯峙峻函有皇帝之宅河洛爲王者之
里吾子豈亦曾聞蜀都之事歟請爲左右揚權而陳之夫蜀都
者蓋兆基於上世開國於中古廓靈關而爲門包玉壘而爲宇
帶二江之雙流抗峨眉之重阻水陸所湊兼六合而交會焉豐
蔚所盛茂八區而菴藹焉於前則跨躡犍牂枕騎交趾經途所
亘五千餘里山阜相屬含谿懷谷岡巒糾紛觸石吐雲鬱蓋
蓋溫以翠微崖巍巍以峩峩干青霄而秀出舒丹氣以爲霞龍
池灑胡角瀑步角瀆扶伽其隈漏江伏流潰其阿汨若湯谷之
揚濤沛若濛汜之涌波于是乎印竹綠嶺茵桂臨崖旁挺龍目
側生荔枝布綠葉之萋萋結朱實之離離迎隆冬而不凋常曄

擘而猗猗孔翠羣翔犀象競馳白雉朝雛猩猩夜啼金馬騁光
 而絕景碧雞儵忽而曜儀火井沈熒於幽泉高燭飛煽於天垂
 其間則有琥珀丹青江珠瑕英金沙銀鑠歷符采彪炳輝麗灼
 爍於後則却背華容北指崑崙綠以劔閣阻以石門流漢湯湯
 驚浪雷奔望之天迴卽之雲昏水物殊品鱗介異族或藏蛟螭
 或隱碧玉嘉魚出於丙冗良木攢於褒谷其樹則有木蘭檉桂
 杞櫛椅桐櫻柅邪柅耕八椶梗頻綿柗幽藹於谷底松栢蒼鬱
 於山峰擢修幹竦長條扇飛雲拂輕霄羲和假道於峻岐陽鳥
 迴翼乎高標巢居栖翔聿兼鄧林穴宅竒獸窠宿異禽熊羆咆
 其陽鷓鴣鳩其陰後狉騰希而競捷虎豹長嘯而永吟於東則
 左綿巴中百濮所克外負銅梁於宕渠內函要害於膏腴其中

則有巴菽巴戟靈壽桃枝樊以菹租圃實以鹽池蠅必蟻山

棲龜龜水處潛龍蟠於沮澤應鳴鼓而興雨丹沙絕熾出其坂

窰房郁毓被其阜山圖道士采而得道赤斧古仙者服而不朽

若乃剛悍生其方風謠尚其武奮之則賓叢旅翫之則渝舞銳

氣剽於中葉躡容世於樂府於西則右挾岷山湧瀆發川陪以

白狼夷歌成章垌野草昧林麓黜於糾儻叔交讓所植蹲鴟所

伏百藥灌叢寒卉冬馥異類衆夥于何不育其中則有青珠黃

環碧碧芒消或豐綠萸或蕃丹椒麋蕪布濩於中阿風連筵餘

蔓於蘭皋紅葩紫飾柯葉漸苞敷葉葳蕤落英飄颻神農是

嘗盧附扁鵲盧人俞是料聊芳追氣邪味蠲癘瘡其封域之內

則有原隰墳衍通望彌博演以潛沫浸以絲洛溝洫脉散疆里

綺錯黍稷油油種稻漠漠指渠口以為雲門洒漉池而為陸澤
雖星畢之滂沱尚未齊其膏液爾乃邑居隱賑之忍夾江傍山

棟宇相望桑梓接連家有鹽泉之井戶有橘袖之園其園則有

林檎枇杷橙柿印亭亭梔斯桃涵列梅李羅生百果甲宅即

折也異色同榮朱櫻春熟素柰夏成若乃大火流涼風厲列白

露凝微霜結紫梨津潤檇栗罅發蒲桃亂潰石榴競裂其至自

零芬芳酷烈其圃則有枸俱寧寧蒟菜萸瓜疇芋區其蔗辛薑陽

蔭敷日往蒹葭月來扶疎任土所麗衆猷而儲其沃瀛則有

攢在官蔣叢蒲綠菱紅蓮雜以蘊藻椽以蘋蘩摠莖柅柅混

葉蓁蕘蕘實時味王公羞焉其中則有鴻儔鵠侶鶯鶯鶉鳩晨

見旦至候鴈啣蘆木落南翻水泮北徂雲飛水宿哢吭清渠其

深則有白鼇命鼈玄瀨上祭鱸鮓鱒鮠鱣鱮差鱗次色錦

質銀章躍濤戲瀨中流相忘於是乎金城石郭兼市中區既麗

且崇實號成都闢二九之通門畫方軌之廣塗營新宮於爽塏

擬承明而起廬結陽城之延閣飛觀榭乎雲中開高軒以臨山

列綺窓而瞰江內則議殿爵堂武義虎威宣化之闈崇禮之闈

華闕雙邈重門洞開金鋪交映玉題相暉外則軌躅八達里閭

對出北屋連薨千廡萬室亦有甲第當衢向街壇宇顯敞高門

納駟庭扣鍾磬堂撫琴瑟匪葛匪姜疇能是恤亞以少城接乎

其西市酈所會萬商之淵列隧百重羅肆巨千賄貨山積纖麗

星繁都人士女袷服靚粧賈貿貯也鬻舛錯縱橫異物詭譎

竒於八方布有幢華麪有枕榔叩杖傳節於大夏之邑蒟醬流

味於番禺之鄉輿輦雜沓冠帶混并累轂疊跡叛衍相傾誼譁

鼎沸則唯

麥江

聒宇富貴塵張天則埃壘曜靈闐闐之裏伎巧

之家百室離席機杼相和貝錦斐成濯色江波黃潤比筒籛金

所過侈侈隆富卓鄭埒名公擅山川貨殖私庭藏錡巨萬鈔

音覓

裁木為

器曰鈔裂帛為兼呈亦以財雄翕習邊城三蜀之豪時來時

往養交都邑結儔附黨劇談戲論扼腕抵掌出則連騎歸從百

兩若其舊俗終冬始春吉日良辰置酒高堂以御嘉賓金壘中

坐有核四陳觴以清醪敷沼鮮以紫鱗羽爵既競絲竹乃發巴

姬彈絃漢女擊節起西音於促柱歌江上之颯厲紆長袖而屢

舞翩躚以裔裔合樽促席引滿相罰樂飲今夕一醉累月若

夫王孫之屬却公之論從禽于外巷無居人並乘驥子俱服魚

文玄黃異校結駟繽紛西踰金隄東越一土津朔別期晦匪日匪

旬楚蹈蒙籠涉躅寥廓鷹犬倏呻尉羅絡幕毛羣陸離羽族紛

泊翕響揮霍中網林薄屠麋剪旄塵帶文蛇跨雕虎志未騁

時欲晚追輕翼赴絕遠出彭門之闕馳九折之坂經三峽之崢

嶸躡五岫之蹇漣戟食鐵之獸射噬毒之鹿晶羆氓於萋草彈

言鳥於森木援象齒屐

歷結

犀角鳥鎩翮獸廢足殆而竭來相

與第如瀕池集乎江洲試水客艤輕舟娉江斐與神游翬翡翠

釣鯉鮒下高鵠出潛蚪次洞簫發擢謳感鱣

尋

魚動陽侯騰波

沸涌珠貝沉浮若雲漢含星而光耀洪流將饗獠

力召

者張帝

幕會平原酌清醕割芳鮮飲御酣賓旅旋車馬雷駭轟轟闐闐

若風流雨散漫乎數百里之間斯蓋宅土之所安樂觀聽之所

誦躍也馬獨山川爲世朝市若乃卓犖奇譎倣罔已一經神
怪一緯人理遠則岷山之精上爲井絡天帝運期而會昌景福
盼嚮而具作碧出萇弘之血鳥生杜宇之魄妄變化於非常嗟
見偉於疇昔近則江漢炳靈世載其英蔚若相如矚若君平王
褒曄曄而秀發楊雄含章而挺生幽思絢道德摘藻挾天庭考
四海而爲雋當中葉而擅名是故游談者以爲譽造作者以爲
程也至乎臨谷爲塞因山爲障峻岨騰埒長城豁險夷若巨防
一人守隘萬夫莫向公孫躍馬而稱帝劉宗下輦而自王由此
言之天下孰尚故雖兼諸夏之富有猶未若茲都之無量也

吳都賦

左太冲

東吳王孫黷然而哈曰夫上圖景宿辨於天文者也下料物土
析於地理者也古先帝世曾覽八紘之洪緒一六合而光宅翔
集遐宇鳥策篆素玉牒石記鳥聞梁岷有陟方之館行宮之基
歟而吾子言蜀都之富禹同之有偉其區域美其林藪矜巴漢
之阻則以爲襲險之右徇蹲鴟之沃則以爲世濟陽九齷齪而
筭固亦曲士之所歎也旁魄蒲傳而論都邑抑非大人之所壯
觀也何則土壤不足以攝生山川不足以周衛公孫國之而破
諸葛家之而滅茲乃喪亂之丘墟顛覆之軌轍安可以儷王公
而著風烈也翫其磧礫而而窺玉淵者未知驪龍之所蟠也習
其敝邑而不覲上邦者未知英雄之所躔也子獨未聞大吳之
巨麗乎且有吳之開國也造自太伯宣於延陵蓋端委之所彰
高節之所興建至德以創洪業世無得而顯稱由克讓以立風

瓏層固重阻列真之宇玉堂對雷石室相距藹藹翠幄嫋嫋素女江婁於是往來海童於是宴語斯寔神妙之饗象嗟難得而

觀

魯和

縷爾乃地勢块

烏明

北

烏點

卉木

鳥老蔓遭藪為圃

值林為苑異莛

苦華

莛

敷

萌

育

夏暉冬禧方志所辨中州所羨

草則藿葍豆蔻薑彙非一江籬之屬海苔之類綸關組紫絳食

葛香茅

莫侯

石帆水松東風扶留布護臯澤蟬聯陵丘負綠山

嶽之岳彙歷江海之流杙白帶衙朱蕤鬱今夜茂暉兮菲菲光

色炫晃芬馥吟蠻職貢納其包匭離騷詠其宿莽木則楓柙豫

章枿櫛杓

古侯

榔絲杙枕櫃文榲榭檀平仲君遷松梓古度楠

榴之木相思之樹宗生高岡族茂幽阜擢本千尋垂蔭萬畝攢

柯擘莖重葩掩葉輪菌虬蟠埤

楚立

塹

除立

鱗接榮色雜糅綢

繆縹繡宵露霽霽旭日晡

鳥感

時

蒲對

與風颺颺

係風於西瀾

上颺颺鳴條律暢飛音響亮蓋象琴筑并奏笙竽俱唱其上則

有猿父哀吟

胡昆

子長嘯抗鼉猱然騰越

救教

飛超

勅小爭

縣接垂競遊遠枝驚透沸亂牢落翬散其下則有臯羊麕狼獾

貍羆象於菟之族犀兕之黨鉤爪鋸牙自成鋒穎精若曜星聲

若雷霆名載於山經形鏤於夏鼎其竹則篔簹林筵桂箭射筒

柚

由梧有篔簹

於妙

笏

勞

有叢苞筍抽節往往縈結綠葉翠莖

冒霜停雪櫛

所六

蠹

畜

森萃蒼茸

並上

簫瑟檀欒嬋娟玉潤碧

鮮梢雲無以踰解谷弗能連鸞鷲食其實鷓鴣擾其間其果則

丹橘餘甘荔枝之林檎榔無柯柳葉無蔭龍眼橄欖探

禦霜結根比景之陰列挺衡山之陽素花斐丹秀芳臨青壁係

紫房鷓鴣南翥而中留孔雀綵祖會羽而翱翔山雞歸飛而來

棲翡翠列巢以重行其琛賂則琨瑤之阜銅錯之垠火齊之寶

駭雞之珍頰丹明璣金華銀樸紫貝流黃縹碧素玉隱賑之忍

歲鳥垂裹懷雜挿幽屏必井精曜潛穎勅刻侈直氏山谷碕

巨岸為之不枯林木為之潤黷隋侯於是鄙其夜光宋玉於是

陋其結綠其荒陬譎詭則有龍穴內蒸雲雨所儲陵鯉若獸浮

石若桴雙則比目片則玉餘窮陸飲木極沉水居泉室潛織而

卷綃淵客慷慨而泣珠開北戶以向日齊南冥於幽都其四野

則畛畷綴無數膏腴兼倍原隰殊品宏隆異等都改象耕鳥耘

此之自與改稱側角秀菰穗於是乎在煮海為鹽秣山鑄錢國

稅再熟之稻鄉貢八蚕之絲徒觀其郊隧之內奧都邑之綱紀

霸王之所根柢開國之所基址郭郭周匝重城結隅通門二八

水道陸衢所以經始用累千祀也憲紫宮以營室廓廣庭之漫

漫寒暑隔闔於邃宇虹霓迴帶於雲館所以跨時煥炳萬里也

造姑蘇之高臺臨四遠而特建帶潮汐之濬池佩長洲之茂苑

窺東山之府則瓌寶溢目觀史海陵之倉則紅粟流行超寢廟

於武昌作離宮於建業闡闔閭之所營采夫差之遺法抗神龍

之華殿施榮楯而捷獵崇臨海之崔嵬飾赤鳥之曄曄東西膠

轄南北崢嶸房櫳對楫連閣相經闔闔譎詭異出奇名左稱彎

崎右號臨剛雕栞鏤案青瑣丹楹圖以雲氣畫以仙靈雖茲宅

之誇麗曾未足以少寧思比屋於傾宮畢結瑤而構瓊高闈有

閎洞門方軌朱闕雙立馳道如砥樹以青槐亘以綠水玄陰耽

耽清流臺登列寺七里狹棟陽路屯營櫛比廨署幕布橫塘查

下邑屋隆夸固長千延屬飛薨舛互其居則有高門鼎貴魁岸

豪傑虞魏之昆顧陸之裔岐嶷繼體老成奕世躍馬疊跡朱輪

累轍陳兵而歸蘭錡魚內設冠蓋雲陰間閭噎其隣則有任

俠之靡輕詔眇同之客締交翩翩儼從並去奕奕出躡珠履動

以千百里讌巷飲飛觴舉白翹閔扛鼎抃射壺博鄱陽暴謔中

酒而作於是樂只行而歡飫無置都簞殷而四奧來暨水浮陸

行方舟結駟唱棹轉轂昧旦永日開市朝而普納橫闐闐而流

溢混品物而同屢并都鄙而為一士女佇眙勅吏工賈古駢坐

過肆果布輻湊而常然致遠流離與珂音遂果搗抽布綺音流離珂音流皆寶名

縹提賄紛紜器周萬端金溢磊珂珠琲補對闌干桃笙象簞籟

於筒中蕉葛升越皆布弱於羅紈灑除立樂胡巧繆力巧交

質相競誼譁呼橫呬呼甲芬葩陰映揮袖風飄而紅塵晝昏

流汗霏霏而中達泥濘富中之昨貨殖之選乘時射利財豐鉅

萬競其區宇則并疆兼巷矜其宴居則珠服玉饌趨材悍壯此

焉比廬捷若慶忌勇若專諸危冠而出棟劔而趨扈帶鮫函扶

揄屬鏤周藏鏹於人去戲自閭家有鶴膝戶有犀渠軍容蓄用

器械兼儲吳鉤越棘純鈞湛盧戎車盈於石城戈船撩於江湖

露往霜來日月其除草木節解鳥獸脂膚觀鷹隼誠征夫坐組

甲建祀姑命官帥而擁鐸將校獵乎具區上滸狼航天南而

層儋耳黑齒之酋金鄰象郡之渠必許駭幽裔香靽雪驚捷

德壽堂卒

先驅前途俞騎騁路指南司方出車暨暨檻被練鏘鏘吳王乃

申玉輅軼驕驕旗魚須常重光攝烏號佩干將羽毛楊蕤雄戟

耀銚貝冑象弭織文鳥章六軍袍服四騏龍驤峭格周施置尉

普張罽罕瑣結罨蹕連綱法以九疑禦以沅湘輶軒蓼擾毅騎

燭煌袒裼徒搏拔距投石之部援臂駢脅狂趨子曜獷古猛狻

珍李鷹瞵鶚視參譚獠力答獠徒答若離若合者相與騰踏乎

莽賈之野干鹵爰殊鋌蟬賜夷勃盧之旅長殺呼觀短兵直鬚

馳騁儂佻他甲全步寸並銜枚無聲悠悠旆旌者相與聊浪郎

平昧莫之垆鉦鼓疊山火烈燹必遙林飛爛浮煙載霞載陰拉

魯答擻雷碾郎崩巒苑岑鳥不擇木獸不擇音暴魁胡甘魑式

六頌司禹麋麇騫六駮追飛生彈鸞鵠射倏挺庭白雉落黑鳩

零陵絕嶠秦嶠茲遙聿越巉嶮勅曳踰竹栢連綠耻綠把

柝而占封狝虛已苑呼角神螭掩剛鏃潤霜刃染於是弭節頓

轡齊鑣駐蹕徘徊倘佯寓目幽蔚覽將帥之拳勇與士卒之抑

揚羽族以紫距為刀鉞披毛羣以齒角為矛鏃古業皆體著他

畧而應卒倉忽所以挂扞右紕而為創痛衝碎慈聿而斷筋骨

莫不衄友六銳挫鋌拉押北買摧藏雖有石林之岸願嶧額請

攘臂而靡之雖有雄虺之九首將抗足以此之顛覆巢居剖破

窟宅仰攀鸚鵡俯蹴豺獍陌劫几熊羆之室剽上掠虎豹

之落猩猩啼而就擒萬萬扶拂笑而被格屠巴虵出象骼斬鵬

翼掩廣澤輕禽狡獸周章夷猶狼跋乎紕中忘其所以睠失冉

賜適失其所以去就覓禡氣懾而自錫唐蹴蒲北者應弦而飲

唐文頌卷續集 卷之二 十一 惠壽堂 辛

羽形儂景僵者累積而增益雜襲錯繆傾藪薄倒岬岫巖穴
無豳豳蒼無鷹鷄力切思假道於豐隆披重霄而高符籠鳥
兔於日月窮飛走之棲宿解澗間入固罟量罟罟蒲效獲衆終
廻靶乎行睨魚計觀漁乎三江汎舟航於彭蠡渾故本萬艘而
既同弘舸連軸巨檻接艦飛雲蓋海制非常模壘萃樓而島峙
時髣髴於方壺比蠲首之有裕邁舳舻於往初張組帷構流蘇
開軒幌鏡水區篙工楫師選自閩禺習御長風狎翫靈胥責千
里於寸陰聊先期而須臾權謳唱簫籟鳴洪流響渚禽驚戈磬
放稽鷓鴣虞機發留鳩鵲鉤餌縱橫網罟接緒術兼詹公巧傾
任父筌巨鱮莫贈鱈所買鱈鯊罩兩鮪翼鯨鯢乘鱉鼉鼉同
眾孤共羅沈虎潛鹿馬繫隴籠倨隕束鯨暉鯨背中於羣嶂古

邁攬搶暴出而相屬雖復臨河而釣鯉無異射鮒於井谷結輕
舟而競逐迎潮水而振緡想萍實之復形訪靈夔於鮫人精衛
銜石而遇繳文鯨夜飛而觸綸北山亡其翔翼西海失其游鱗
雕題之士鏤身之卒比飾虬龍蛟螭與對簡其華質則亂意費
巴貴錦績音會料遼其虓勇則鷓悍狼戾相與昧潛除搜瓌竒
摸蜻蛚捫觜子規螭携剖巨蚌於回淵濯明月於連漪畢天下
之至異訖無索而不臻谿壑爲之一罄川瀆爲之中去貧晒澹
臺之見謀聊襲海而徇珍載漢女於後舟追晉賈而同塵汨呼
筆乘流以研普明宕徒浪翼颺風之颺颺直衝濤而上瀨常沛
沛以悠悠虛乙可休而凱歸揖天吳與陽侯指包山而爲期
集洞庭而淹留數軍實乎桂林之苑饗戎旅乎落星之樓置酒

若淮泗積着若山丘飛輕軒而酌綠醕方雙轡而賦珍羞飲烽

起醕子曜

鼓震真

士遺倦眾懷忻幸乎館娃之宮張女樂而娛

羣臣羅金石與絲竹若鈞天之下陳登東歌操南音胤陽阿詠
蘇任荆豔楚舞吳愉越吟翕習容裔靡靡情情若此者與夫唱
和之隆響動鐘磬之鏗鉉有殷坻頽於前曲度難勝皆與謠俗
叶協律呂相應其奏樂也則木石潤色其吐哀也則淒風暴興
或超延露而駕辨或踰淶水而採菱軍馬弭髦而仰秣淵魚竦
鱗而上升醕滑半八音并歡情留良辰征魯陽揮戈而高麾廻
曜靈於太清將轉西日而再中齊既往之精誠昔者夏后氏斬
羣臣於茲土而執玉帛者以萬國蓋亦先王之所高會而四方
之所軌則春秋之際要盟之主闔閭申其威夫差窮其武內果

伍員之謀外騁孫子之奇勝疆楚於栢舉棲勁越於會稽闕掘

溝乎商魯爭長於黃池徒以江湖嶮陂物產殷充繞雷未足言

其固鄭白未足語其豐士有陷堅之銳俗有節概之風睚五賣

眦士介

則挺劔陰

鳴鳥故

則弯弓擁之者龍騰據之者虎視

麾城若振槁舉旗若顧指雖帶甲一朝而元功遠致雖累葉百

疊而富強相繼樂浚衍其方域列仙集其土地桂父練形而易

色赤須蟬蛻而附麗中夏比焉畢世罕見丹青圖其象珍瑋貴

其實利也舜禹游焉沒齒而忘歸精靈留其山阿翫其奇麗剖

判庶士商擢萬俗國有鬱鞅而顛鄙邦有湫子小

阿鳥介

而瞻

弼伊茲都之函弘傾神州而韞積仰南斗以斟酌兼二儀之優
渥由此而揆之西蜀之於東吳小大之相絕也亦猶棘林螢燿

而與夫尋木龍燭也否泰之相背也亦猶帝之懸解而與夫桎
桔疏屬也庸可共世而論巨細同年而議豐确乎暨其幽遐獨
邃寥廓閑與耳目之所不該足趾之所不蹈個儻之極異窟詭
之殊事藏理於終古而未寤於前覺也若吾子之所傳孟浪之
遺言略舉其梗概而未得其要妙也

魏都賦

左太冲

魏國先生有睟其容乃軒衡而誥曰异乎交益之士蓋音有楚
夏者土風之乖也情有險易者習俗之殊也雖則生常固非自
得之謂也昔市南宜僚弄丸而兩家之難解聊爲吾子復翫德
音以釋二客競於辨囿也夫太極剖判造化權輿體兼晝夜理
包清濁流而爲江海結而爲山嶽列宿分其野荒裔帶其隅岩

崗潭淵限壘隔夷峻危之竅也蠻貊夷落譯導而通者鳥獸之
氓也正位居體者以中夏爲喉舌不以追陞爲襟帶也長世字
眊者以道德爲藩不以襲險爲屏也而子大夫之賢尚弗魯庶
翼等威附麗皇極思稟正朔樂率貢職而徒務於詭隨匪民宴
安於絕域榮其文身驕其險棘繆默語之常倫牽膠言而踰侈
飾乖離以矜耀假偏疆而攘臂非醇粹之方壯謀踏駁於王義
孰愈尋靡蒞於中達造沐猴於棘刺劔閣雖瞭憑之者蹶非所
以深根固蒂也洞庭雖濬負之者北非所以愛人治國也彼桑
榆之末光踰長庚之初暉况河冀之爽塏與江介之湫湄故將
語子以神州之略赤縣之畿魏都之卓犖六合之樞機于時運
距陽九漢綱絕維奸回內聶兵纏紫微翼翼京室耽耽帝宇巢

焚原燎變為煨燼故荆棘旅庭殷殷寰內繩繩八區鋒鏑縱橫
化為戰場故麋鹿寓城也伊洛榛曠嶠囿荒蕪臨苗牢落鄔郢
丘墟而是有魏開國之日締構之初萬邑譬焉亦猶犖昌由麋
之與子都培塿之與方壺也且魏土者畢昂之所應虞夏之餘
人先王之桑梓列聖之遺塵考之四隈則八埏之中測之寒暑
則霜露所鈞卜偃前識而賞其隆吳札聽歌而美其風雖則衰
代而盛德形於管絃雖踰千祀而懷舊蘊於遐年爾其疆域則
旁極齊秦結湊異道開胸殷衛跨躡燕趙山林幽峽鳥朗川澤
迴繚恒碣碣五感碣五各於青霄河汾浩漭而皓漾渺南瞻淇
澳則綠竹純茂北臨漳滏父則冬夏異沼神鉦迢遞於高巒靈
響時驚於四表溫泉怱涌而自浪華清蕩邪而難老墨井鹽池

玄滋素液厥田惟中厥壤惟白原隰昫昫墳衍斤斤鳥罪或崑

力罪鼎

而複陸或耀

苦廣

朗而拓落乾坤交泰而烟煴嘉祥蔽

顯而豫作是以兆朕振古萌帝疇昔藏氣識緯閔象竹帛迫

時世而淵默應期運而光赫暨聖武之龍飛肇受命而光宅爰

初自臻言占其良謀龜謀筮亦既允臧修其郭郭繕其城隍經

始之制牢籠百王畫雍豫之居寫八都之宇鑿茅茨於陶唐察

卑宮於夏禹古公草創而高門有閭苦浪宣王中興而築室百

堵兼聖哲之軌并文質之狀商豐約而折中去准當年而為量

思重冬舉大壯覽荀卿采蕭相儼子商拱木於林衡授全模於

梓匠遐邇悅豫而子來工徒擬議而騁巧闡鈎繩之筌緒承二

分之正要揆日晷考星耀建社稷作清廟築層宮以廻匝比岡

賺魚樞而無陂造文昌之廣殿極棟宇之弘規對若崇山崖起

崔嵬髣若玄雲舒蜺以高垂瓌材巨世埤楚立塹除立參差粉

椽複結欒櫃疊施丹梁虹申以並亘朱楠森布而支離綺井列

疏以懸蒂華蓮重葩而倒披齊龍首而涌雷時梗概於澎池旅

楹間列暉鑒抉烏浪振草人椽題黠隼階階嶙峋長庭砥平鍾

簾夾陳風無纖埃雨無微津巖巖北闕南端攸遵竦峭雙碣方

駕比輪西闕延秋東啟長春用覲羣后觀享頤賓左則中朝有

絕聽政作寢匪樸匪斲去泰去甚木無雕鏤工無締錦玄化所

甄國風所稟於前則宣明顯陽順德崇禮重闈洞出鏘鏘濟濟

珍樹猗猗奇卉萋萋蕙風如薰甘露如醴禁臺省中連闥對廊

直事所繇典刑所燕藹藹列侍金螭齊光詰朝陪幄納言有章

亞以柱後執法內傳符節謁者典璽儲吏膳夫有官藥劑有司

肴醴音亦順時賤理則治於後則椒鶴文右永巷壺術楸梓木

蘭次舍甲乙西南有戶成之匪日丹青炳煥特有溫室儀刑宇

宙曆象賢聖圖以百瑞粹補對以藻詠茫茫終古此焉則鏡有

虞作績茲亦等競右則蔬圃曲池下畹高堂蘭渚莓莓石瀨湯

湯弱子公麥子公係實輕葉振芳奔龜躍魚有睵千麗呂梁馳道周

屈於果下延閣胤宇以經營飛陛方輦而徑西三臺列峙而崢

嶸亢陽臺於陰基擬華山之削成上累棟而重雷下冰室而泓

溟周軒中天丹墀臨焱增構栽栽清塵影影雲雀礙砥薨而矯

首壯翼摘鏤於青霄雷雨窈冥而未半暎日籠光於綺寮習步

頓以升降御春服而逍遙八極可圍於寸眸萬物可齊於一朝

皇文類集 卷之二 三 行言堂

長塗牟首豪傲

去

互經畧漏肅唱明宵有程附以蘭錡

武庫也

宿

以禁兵司衛閑邪鉤陳罔驚於是崇墉濬洫嬰堞帶洙四門轡

轡魚竭

隆厦重起憑太清以混成越埃壘

於蓋

而資始邈邈標

危亭亭峻峙臨焦原而弗悅誰勁捷而無猥

胥理

與岡岑而永

固非有期乎世祀陽靈停曜於其表陰祗濛霧於其裏苑以玄

武陪以幽林繚垣開囿觀宇相臨碩果灌叢圍木竦尋篁篠懷

風蒲桃結陰回淵灌積水深兼葭贊

胡犬

籊弱森丹藕凌波而

的礫綠芰泛濤而浸潭

以心

羽翮頡頏鱗介沉浮栖者擇木確

者擇音若咆渤澥與姑餘常鳴鶴而在陰表清籟勒虞箴思國

卹忘從禽樵蘇往而無忌卽鹿縱而匪禁腓腓

莫回

垆野奕奕

菑畝甘荼伊蠹芒種斯阜西門漑其前史起灌其後塔流十二

同源異口菑爲屯雲泄爲行雨水澍

之監

稷稊陸蒔稷黍黝黝

一柳

桑柘油麻紵均田畫疇蕃廬錯列薑芋充茂桃李蔭翳

咽

家安其所而服美自悅邑屋相望而隔踰奕世內則街衢輻

湊朱闕結隅石杠飛梁出控漳渠疏通溝以濱路羅青槐以蔭

塗比滄浪而可濯方步櫛而有踰習習冠蓋莘莘烝徒斑白不

提行旅讓衢設官分職營處署居夾之以府寺班之以里閭其

府寺則位副三事官踰六卿太常之號大理之名厦屋一揆華

屏齊榮肅肅階闕

許亮

重門再扃師尹爰止毗世作禎其閭閻

則長壽吉陽永平思忠亦有戚里寘宮之東開出長者巷苞諸

古啟

其中營客館以周

公都護之堂殿居綺窻輿騎朝猥蹀跋

古啟

坊飾賓侶之所集瑋豐樓之閑闕起建安而首立葺牆幕室房

事文類聚續集

卷之二

十七

德壽堂

德壽堂

德壽堂

德壽堂

德壽堂

庶雜襲剖居倚剔居衛因撥匠斲積習廣成之傳無以儔豪街

之邸不能及廓三市而開廛籍平遠而九達班列肆以兼羅設

闐闐以襟帶濟有無之常偏距日中而畢會抗旗亭之堯薛侈

所眺之博大百隧轂擊連軫萬貫憑軾插馬袖幕紛半一八方

而混同極風采之異觀質劑平而交易刀布貿而無筭財以工

化賄以商通難得之貨此則不容器周用而長務貨背窳庚而

就攻不鬻邪而豫賈古著馴風之醇醲白藏平之藏去富有無

隄同賑大內控引世資賓叢椽嫁積滯徒結琛幣充牣切閑石

之所和鈞財賦之所底慎燕孤盈庫而委勁翼馬填廐而駟駿

至于勅大也敵糾紛庶土罔寧聖武興言將曜威靈介胄重襲

旌旗躍莖弓珧余招解檠矛鋌飄英三屬之甲縵莫韓胡之纓

控弦簡發妙擬更平羸齊被練而銛戈襲偏袞都祿以讀會列

畢出征而中律執奇正以四伐碩畫精通目無匪制推鋒積紀

鉞氣彌銳三捷既晝亦月剋剪方命吞滅咆哮休雲撒叛

換席卷履劉稜子鶴威八紘荒阻率由洗兵海島刷馬江州振

旅鞬鞬田反旆悠悠凱歸同飲疏爵普疇朝無利印國無費留

喪亂既弭而能宴武人歸獸而去戩蕭斧越斧戢柯以押刃虹

旌攝麾以就卷斟洪範酌典憲觀所恒通其變上垂拱而司契

下緣督而自勸道來斯貴利往則賤囹圄寂寥京庾流行於是

東鯤席即序西傾順軌荆南懷懋朔北思違縣縣迥塗驟山涉

水襁負書贄重譯貢篚鬒閩也首之豪隸渠耳之傑服其荒服

歛衽魏闕置酒文昌高張宿設其夜未遽庭燎晰晰支列有客

祁祁載華載裔

及及冠緹

所綺

纒纒辨髮清酤如濟濁醪如

河凍醴流漸溫耐躍波豐有衍衍行庖饘饘悒悒醞醞酣湑無

譁延廣樂奏九成冠韶夏冒六英

舊作五莖

僧響起疑震霆天宇駭

地廬驚億若大帝之所興作二羸之所曾聆金石絲竹之恒韻

匏土革木之常調干戚羽旄之飾好

去

清謳微吟之要妙世業

之所日用耳目之所聞覺雜揉紛錯兼該汜博鞮

都尼

鞞居邁

所掌之音

誦

昧任

而金

禁

金

之曲以娛四夷之君以睦八荒

之俗既苗既狩爰遊爰豫籍田以禮動大閱以義舉備法駕理

秋御顯文武之壯觀邁梁駟之所著林不槎枿澤不伐天

鳥老

斧斤以時罾網以道德連木理仁挺芝草皓獸為之育藪丹魚

為之生沼裔

聿

雲翔龍澤馬于

耻錄

阜山圖其石川形其實莫

黑匪鳥三趾而來儀莫赤匪狐九尾而自擾嘉穎合穗以尊尊

醴泉涌流而浩浩顯禎祥以曲成固_罍物而兼造蓋亦明靈之

所醇酢休徵之所偉兆收_{美貪}眈

美貪

率土遷善罔置沐浴福應宅

心醴

徒南

粹餘糧栖畝而弗收頌聲載路而洋溢河洛開奧符

命用出翩翩黃鳥街書未訊入謀所尊鬼謀所秩劉宗委馭巽

其神器闕玉策於金勝案圖錄於石室考歷數之所在察五德

之所蒞量十旬涓吉日陟中壇即帝位改正朔易服色繼絕世

修廢職徽幟以變器械以革顯仁翌明藏用玄默菲言厚行陶

化_洪學讐校篆籀篇章畢覲優賢著於楊歷匪彛形於親戚本

枝別幹蕃屏皇家勇若任城才若東阿抗旂則威險

驗

秋霜擗

翰則華縱春葩英詰雄豪佐命帝室相兼二八將猛四七赫赫

震震開務有謚故令斯民觀泰之平可比屋而為一筭祀有紀
 天祿有終傳業禪祚高謝萬邦皇恩綽矣帝德冲矣讓其天下
 臣至公矣榮操行之獨得超百王之庸庸追巨卷領與結繩瞻
 留重華而比蹤尊盧赫胥羲農有熊雖自以為道洪化以為隆
 世篤玄同奚遽不能與之踵武而齊其風是故料聊其建國析
 其法度認其考室議其舉厝復之而無數申之而有裕非䟽糲
 之士所能精非鄙俚之言所能具至于山川之倬詭物產之魁
 殊或名奇而見稱或實異而可書生生之所常厚洵美之所不
 渝其中則有鴛鴦交谷虎澗龍山掘鯉之淀覲見蓋節之淵狶
 狶祈精衛術木償怨寬常山平千距鹿河間列真非一徃徃出
 烏昌容練色續配眉連玄俗無影水羽偶仙琴高沈水而不濡

乘赤鯉而周旋師門使火以驗術故將去而林燔易陽壯容衛
 之稚質邯鄲躡步趙之鳴瑟真定之梨固安之栗醇耐中山流
 酒千日淇洎之筍信都之棗雍丘之梁清流之稻錦繡襄邑羅
 綺朝歌縣續房子縑總清河若此之屬繁富夥苦侯非可單
 究是以抑而未罄也蓋比物以錯辭述清都之閑麗雖選言以
 簡章徒九復而遺旨覽大易與春秋判殊隱而一致未上林之
 墮牆本前修而作系其軍容弗犯信伸其果毅糾華綏戎以戴
 公室元勳配管敬之績歌鍾析邦君之肆則魏絳之賢有令聞
 也閑居隘巷室邇心遐富仁寵義職競弗羅千乘為之軼廬諸
 侯為之止戈則干木之德自解紛也貴非至尊重士踰山親御
 監門謙謙同軒榻秦起趙威振八蕃則信陵之名若蘭芬也英

辯榮枯能濟其厄位加將相室隙之策四海齊鋒一口所敵則

張儀張祿亦足云也所諧推惟庸蜀與鳩鵲同窠句古侯吳與鼃龜

同穴一自以為禽獸一自以為魚鱉山阜狼積而崎嶇泉流迸

集而映咽隰壞所諧瀝力又漏而沮洳林藪石留力又而蕪穢窮岫

泄雲日月恒翳宅土熇許驕暑封疆障厲蔡莽螫赤刺力割昆

蟲毒噬漢罪流禦秦餘徒邪力制肖貌最陋稟質蓬脆巷無杼

首皇罕着葦或魁直追髻而左言或鏤膚而鑽髮或明發而耀

徒召歌或浮泳而卒歲風俗以盈而界果果為嬖畫人物以殘

害為藝威儀所不攝憲章所不綴由重山之束阨因長川之裾

勢距遠闕以闕關時高櫟而陞制薄尺懸幕無異蛛蝥之網弱

卒鎖甲無異螳螂之衛與先代而常然雖信險而勦絕揆既往

之前跡即將來之後轍成都迄已傾覆建業則亦顛沛顧非累

郊與疊基焉至觀形而懷恒權假日以餘榮比朝華而蒼藹覽

麥秀與黍離可作謠於吳會先生之言未卒吳蜀二客矍然相

顧睒焉失所有覩情容神藥形茹弛氣離坐懞墨而謝曰僕黨

清狂沐迫閩濮習蓼蟲之忘辛翫進退之惟谷非常寐而無覺

不規

皇輿之軌躅過以汎剽之單惠歷執古之醇聽兼重性以馳繆

偈戾尤而罔定先生玄識深頌靡測得聞上德之至盛匪同憂

於有聖抑若春霆發響而驚蟄飛競潛龍浮景而幽泉高鏡雖

星有風雨之好人有異同之性庶覲部蒙與剝廬非蘇世而居

政且夫寒谷豐黍吹律以暖之也昏情爽暑箴規以顯之也雖

事文類聚

明珠兼尺寸璧有盈曜車二六三傾五城未若甲錫典章之爲
遠也亮曰日不雙麗世無兩帝天經地緯理有大歸安得齊給
守其小辯也哉

汴都賦

周邦彥

臣邦彥頓首再拜曰自古受命之君多都於鎬京或在洛邑惟
梁都於宣武號爲東都所謂汴州也後周因之乃名爲京周之
叔世統微政缺天命蕩杙歸我有宋民之戴宋厥惟固哉奉迎
駕輿至汴而止是爲東京六聖傳繼保世滋大無內無外涵養
如一含牙帶角莫不得所而此汴都高顯宏麗百美所具億千
萬世承學之臣弗能究宣無以爲稱伊彼三國割據方隅區區
之霸言餘事乏而三都之賦在鄒落可駭人到于今稱之矧皇居

天府而有遺美可不愧哉謹拜手稽首獻賦曰

發微子客游四方無所適從既倦游迺崎嶇迴造於中都觀

土木之妙冠蓋之富燁燁爛爛心駭神悸詳後聊呼郭而不

敢進於是夷猶於通衍彷徨不知所屆適遭衍流先生目而招

之執其袪局局然歎曰觀子之貌神采不定狀若失守豈非蔽

席隱茅未游乎廣廈誅草鉏棘未擷乎蘭葳舒列披褐挾蘊未

曳乎綺縠微邦陋邑未覩乎雄藩大都者乎發微子姑胡括反

然有赧色曰臣翱翔乎天下東欲究扶桑西欲窮虞淵南欲盡

反戶北欲徹幽都所謂天子之都則未嘗歷焉今先生訊我誠

有是也然觀先生類辨士其言似能碎崑崙而結溟渤鏤混沌

而形罔象試移此辨原此汴都可乎臣固不敏謹願承教先生

笑曰客知我哉於是申喙據林虛徐而言曰噫子獨不聞之歟
今天下混一四海爲家令走絕徼地掩鬼區惟是日月所會陰
陽之中據要總殊揭鍵制樞拱衛環周共安乘輿而此汴都禹
畫爲豫周封鄭地背觴臨而上直實沈分以爲次惟蓬澤之固
境昔合靡之所至芒碭渙渦截其面金隄玉渠累其脊雷夏灘
沮繞其脇壘丘訾婁夾其腴梁周帝據而靡沸唐漢尹統而寧
一故此王國襲故不徒恢圻甸域尊崇天駉司徒制其畿疆賤
方辨其土地前千官而會朝後百揆而爲市分疆十同提封萬
井舟車之所輻湊方物之所灌輸宏基融而壯址植九鼎立而
四獄位仰營域而體極立土圭而測晷蜀險漢全荆惑閩鄙惟
此中峙不首不尾限而不迫華而不侈環晞賊於郡縣如响嘯

之迤邐觀其高城萬雉埤避移堦魚禮反接繚如長雲之方

舒岌若崇山之礪頓捷坤靈因巛巛而踟躕上怪畏榨音詐

壓而妥貼靡胥不可縋而登爵鼠不可嚼竹放而宄利過百二

嶮踰四塞鄙秦人之踐華陋荆州之却月頓捷步與超足矧躡

踰與楚薨闕城爲門二十有九瓊扉塗丹金鑄鏤獸列兵連卒

呵夜驚晝異物不入詭邪必究城中則有東西之阡南北之陌

其衢四達其塗九軌車不理輦去互人不爭險易劇駘崇期蕩

夷如砥雨畢而除糞夷蕪穢行者不馳而安步遺者惡捨而恣

棄跨虹梁以除病涉列佳木以安休惕殊異羊腸之詰曲或疏

於遠反折脚蹠而折鞢丁劇反車軸頭顧中國之闐闐叢賢賢

幣同而爲市議輕重以奠賈正行戶刪列而平肆竭五都之環

富備九州之貨賄何朝滿而夕除蓋趨靡而去匱萃駟僮於五
均擾販夫於百隧次先後而置叙遷有無而化滯抑彊買之乘
時摧素封之專利售無詭物陳無竅器欲商賈之阜通迺有厘
而不稅銷卓鄭猗陶之殖貨禁乘堅策肥之擬貴道無游食以
無為矧敢婆娑而為戲其中則有安邑之棗江陵之橘陳夏之
漆齊魯之麻薑桂藁穀絲帛布縷鮐鮓前啓鮓鮓竹涉鮓鮓上釀塩
醢豉或居肆以鼓鑪橐或鼓刀以屠狗彘又有翳無間之珣玕
會稽之竹箭華山之金石梁山之犀象霍山之珠玉幽都之筋
角赤山之文皮與夫沉沙棲陸異域所至殊形妙狀目不給視
無所不有不可殫紀若天帝居宏麗人所未聞南有宣德北有
拱辰延亘五里百司雲屯兩觀門峙而竦立果愚遐望而相吞

天河羣神之闕紫微太乙之宮擬法象於穹昊敞閭闔而居至
尊樸栢不斲素題不枿上圓下方制為明堂告朔朝歷頒宣憲
章謂之大廟則其中可以叙昭穆謂之靈臺則其高可以觀氛
祥後宮則無非員無錄之女佞倖滑稽之臣陋甘泉與楚宮繆
延壽與阿房信無益於治道徒竭民而怠荒故今上林仙籞不
聞乎鳴蹕甄甌輓也歲久而苔蒼其西則有寶閣靈沼巍莪泛
灑繚以重垣防以曲隄雲屋連窠弋支反樓閣邊小屋也瓊欄
壓墀池水則溶溶云洋洋湜湜涵潤見定滉漾瀟瀟浩漉
弋沼微風過之則瀾泥居六灑仕減灑仕角漫散涸淀徒練濇
濇女立漣漪大風過之則汨湧尹八反湧子八反泉也
濇乎爰反大波濇奴太濇音逼湧也沃音反流也掀鼓漢莫彼

皇文苑集卷之二 三十一 御書堂

之禾清流之稻田原之菽利高之黍利下之稌有麩莫狸有芭

有秬有秠十箱所運億廩所露入既夥而委積食不給而紅腐

如坻如京如崗如阜野無菜色溝無捐瘠擗拾狼戾足以厭鰥

夫與寡婦備凶旱之乏絕則有九年之預又將敦本以勸稼開

帝籍之千畝良農世業異物不覩播百穀而克敏應三時而就

緒蹠罽閔灌暵陟劣反兩陌間道也雨霈孰任其勞侯疆侯

以千耦其耘不怒自力疏遨其理狼秀不植菴觀堅阜與與疑

疑溝塍畹畦亘萬里而連繹醜惡不毛硤陘荒瘠化為好時轉

名不易惟彼汴水貫城為渠並洛而摠昔在隋葉禩丁大業欲

為流連之樂行幸之游故鑿池導水南抵乎揚州生民力盡於

畚鍤膏血如水而爭流鳳船音扇徒見於載籍玉骨已朽於膏

丘顧資治世以為利迄今抗棧而浮舟桃花候漲竹箭比駛洶

湧湔古沒驛子隻反灑音馮漉胡工沸瀟戶封掬音耕反擊声

防巖普昧反崩声岸澹火麥瀾許角迅邁匪江匪海而朝夕舞

乎滂湃普拜掀萬古之巨艚布末比坳堂之一芥舵艘不時而

相值高師鼙拱而俟敗智者不敢睥睨而興作綿千禩而為害

豈積患切病待聖人而後除耶厥有建議導河通洛引宜禾之

清泉塞孽華之渾濁感廣隄而節暴紆直行而殺虐其流舒舒

經炎涼而靡涸於是自淮而南邦國之所仰百姓之所輸金穀

財帛四時常調舳艫相銜千里而不絕越舫禽吳艚槽官艘蘇

力賈舶捕格閩謳楚語風帆雨楫聯翩方載鉦鼓鐘他當鈴公

合人安而舒國賦應節若夫連營百將帶甲萬伍控弦貫石動

皇文苑集卷之二 三十一 御書堂

以千數其營則龍衛神勇飛山雄武奉節拱聖忠靖宣效吐渾
 金吾擲颺萬勝渤海廣備雲騎武肅材能蹶張力能挾輪投石
 超距索鐵伸鉤水執鼉鼉陸拘罷貅異黨之寇大邦之讐電鷲
 雷擊莫不繫繫而為囚於是訓以鶴鵠魚鹿之形格敵擊刺之
 法剖微中虱貫宇徹札揮鉞市邪反矛也擲錄邪革反鎗舉無

虛發人則便捷器則犀利金角丹漆脂膠竹木以時取之遴棄

惡弱割蛟革以連函劓達各兕貉格以為弭劓徒官魚服以懷

鏑百工備盡銑所京磨缺古節削其成鑿鋼而鋸五兩鑢胡佳

植之霜凝而電爍故有強衝勁弩雲梯昌容車修鍛雅也延

縱十恭反短矛也鈛戈兌爰繫弱之弓肅慎之矢谿子之弩夫

差之甲龜蛇之旒鳥隼之旗軍事蚤正用戒不虞其次則有文

昌之府分省為三列寺為九殊監為五左選為文右選為武曰

三十房二百餘案二十四部黜隋之陋更唐之故補弊完罅剔

朽焚蠹人夥地溥事若織組滋廣莫治疊疊成蠱纖弱不除將

勝戕斧雖離婁之明日迷簿書而莫覩豪胥倚文以鬻獄庸吏

瘵官而受侮各懷苟且以逃責孰肯長慮而却顧官有隱事國

有遺利紛訟牘於庭祀繫纍囚於囹圄此浮彼沉甲可乙否操

私議而軋於黠泐亡弗各矛盾而齟齬於是合千司之離散儼

星羅於一字千梁負棟萬楹鎮楚誅喬松以為煤空奧山而斲

楮官有常真取雄材偉器者以充其數上維下制前按後覆譬

如長蛇扶其脊脊而首尾皆赴闔戶而議飛檄乎房闈應荅乎

秦楚披荒榛而成徑繹綽之閏緹扶表反並亂絲也而得緒崇

善廢醜平險除穢纖悉不遺乎一羽於是宣其成式變亂易守者刑之所取貽之後昆永世作矩至若儒宮千楹首善四方勾襟逢掖褒衣博帶盈仞乎其中士之匿華鏗采者莫不拂巾袵褐彈冠結綬空岩穴之幽邃出郡國之遐陋南金象齒文毛羽翮世所罕見者皆傾囊鼓篋羅列而願售咸能湛泳乎道實沛然攻堅而大叩先斯時也 皇帝悼道術之沉鬱患詁訓之荒繆諸子騰瀾呂振而相角羣言駘大來反廣也蕩而莫守黨同伐異此妍彼醜挈俗學之蕪穢詆淫辭而擊培滅奧突於弔之熒燭仰天庭而覩晝同源共貫開天發節於是俊髦並作賢才自厲造門闈而臻壺奧騁辭源而馳辨囿術藝之場仁義之藪溫風扇和儒林發秀宸眷優渥皇辭結糾榮名之所作慶賞之

所誘應感而格駒行雉响磨鈍爲利培薄爲厚魁梧卓行撝鋒露穎不驅而自就復有珮玉之音籟豆之容絃歌之聲盈耳而溢目錯陳而交奏煥爛乎唐虞之日雍容乎洙泗之風誇百聖而再講曠千載而復覲又有律學以議刑制筭學以究九九舞象以道幼稚樂德樂語以教世胄成材茂德隨所取而咸有若夫會聖之宮是爲原廟其制則般輪之所作其材則匠石之所掄萬指舉築千夫運斤揮汗靈霧吁氣如雲磬鼓弗勝靡有諗勤赫赫大宇有若山踊而嶙峋下盤黃垆上赴北辰藻珠廣寒黃帝之宮榮光休氣籠籠往來葱葱鬱鬱而氤氳其內則檐梁道栲武方反大梁椽題末之仁反屋梧楹栴閑補行反宮中門拱闈闈屏宇閎闈聳張矯踞龍征虎蹲延樓跨空甬道接

陳黜

於糾反玄黑也

聖鳥各反白土也

備

呼古反文彩

燦爛

詭文菱阿美蕖之流漫驚波迴連之灑余力減呼逼飛仙降真
之縹緲翔鵷鷖之甍甍地必出奇土無藏珍球琳琅玕璠璣
瑤琨流黃丹沙玳瑁翡翠垂棘之璧照夜之蠙鵠象齋角剖犀
劇玉鏤刻雕鏤其妙無倫焜煌煥赫璀璨錯輝映繁星有爛彤霞
重昭軒廡所繪功臣碩輔書太常而銘鼎彝環列而趨造龍
章鳳姿瑰形瑋貌文有伊周武有方召猶如蹇諤以立朝圖寧
社稷指斤利害踟躕四顧而不撓其殿則有天元太始皇武儼
極大定輝德熙文衍慶美成繼仁治隆之名重曠隆準天日炳
明 皇帝步送百寮拜迎九卿三公挾輔扶衛儀仗衛士填郭
溢城于時黔首颺集百作皆停地震岳移波翻海傾足不得旋

耳不得聽神既安止竊間微巷惟聞咨嗟歎異之聲於是山壘
房俎犧樽竹筐踐列於兩楹瞽史陳辭宰祝行牲案芻豢之肥
臞視物色之穉解登降裸獻百禮具成至於天運載周甲子新
曆受朝萬方大慶新闢於時再鼓聲絕按稍收鎬儼三衛與五
仗森戈矛與戈戟探平明而傳點趣校尉而唱籍千官鶩列以
就次然後奏中嚴外辨也撞黃鐘以啟樂合羽扇以如翼欣飛
道駕以臨座千牛環帝而屏息爐烟既升寶符奠瑞玲乾安之
妙音仰天顏而可覲羗夷束髮而蹈舞象胥通隔而傳譯宣表
章以上聞奏靈物之充斤羣臣迺進萬年之觴上南山之壽太
尉升奠尚食酌酒樂有嘉禾靈芝和安慶雲舞有天下大定盛
德升聞飲食行衍燔炙芬芬威儀孔攝而中度笑語不諱而有

文故無族譚錯立之洞衆躡廣布武之紛紜蓋天子以四海為
 宅有百姓而善羣廷內不灑掃而行禮則天下雲擾而絲棼故
 受王而隋知晉惠之將卒執幣以下知若敖之不存聞樂而走
 者為金奏之下作雖美不食者為犧象之出門賦湛露彤弓而
 武子不敢答奏肆夏大明而穆子不敢聞蓋禮樂之一缺則示
 亂而昭昏是以宣王享士貴以殺蒸而刑三晉之法高祖因叔
 孫之制而知為帝之尊豈治朝之禮物尚或展翳而沉湮此所
 以舉墜典而定彝倫者也其樂則有咸池承雲九韶六英采齊
 肆夏簫韶九成神農之瑟伏羲之琴僖氏之鍾無句之磬鏗鏗
 鎗鎗戶膏和氣薰蒸于以致祖考之格于以廣先王之聲昔王
 道既弱淳風變澆樂器遭鄭衛而毀矇瞽適秦楚而逃朝廷慢

金石之雅正諸侯受歌管之嗷嘈文侯聽淫聲而忘倦桓公受
 齊樂而輟朝季子始無譏於鄆仲尼迺忘味於韶故使制度無
 考中聲凌消非細則擲胡化非單則高惟今也求器得耕野之
 尺吹律有聽鳳之簫或酒或離或鼗或鼗虛驕或鑪或棧或管
 語簫反管也或筊朋交反小軒眾器俱舉八音孔調鸞鶯離丹
 穴而來集鳴噤喑而舞修瓠音喬又有賓在宗反旅巴渝之舞
 儵牛錦侏摩葛狄鞮丁奚之倡遠人面內而進枝踰山海而梯航
 故納之廟者周公所以廣魯觀之庭者安帝所以喜其來王若
 其四方之珍以時修取竭天產發窮人迹砥其遠邇陳之藝
 極厥材竹木厥貨龜貝厥幣錦繡厥服絺綌絺綌絺綌絺綌絺綌
 物嬪貢絲枲物貢所出器貢金錫砥礪磬丹鈇松怪石惟金三

品惟土五色泗濱浮磬羽畎夏翟龍馬千里神茅三脊方箱隋
棐肆陳乎殿陛豐苞廣匱亟傳乎騎驛連檣結軌川咽塗塞耶
飲終歲而不息至於赫氏楚蒲比翟僂詹耳雕脚獸居鳥語之

國皆望日而趨累載而至懷名琛拽馴獸以致於闕下者旁午
迺有帛氈德呼鬪居例氈巨俱藺干細布水精琉璃軒虫蚌珠

寶鑑洞瞻神犀照浦山經所不記齊國所不覩者如糞如壤軫
力丁精平內府或致白雉於越裳或得巨擘於西旅非威靈之

遐暢孰能出現奇於深阻蓋徼外能率夾種來以修好則中土
當有聖人出而寧宇然 皇帝不寶遠物不尚殊觀抵金於斬

岩之山沉玉於五湖之川洞剽之劍迺入騎士之鞘齧鄰之馬
或服鼓車之轅至於乾象表貺坤維荐祉靈物仍降嘉生屢起

暈適背鏞虹蜺抱珥鳴星隕石怪飈變氣垂白鮐背者不知有

之况能言孺倪豈獨此而已也復有穹龜負圖龍馬載文汾陽
之鼎函德之芝肉角之獸蕭声之禽同穎之禾旅生之穀游郊

栖庭充畦冒時非烟非雲蕭索輪囷映帶乎闕角葱蔚乎城壘
鷲鳥不攫猛獸不噬應圖合謀窮祥極瑞史不絕書歲有可紀

發微子於是言曰國家之有若是歟意者先王快意於吻舌而
及此耶先王曰國家之盛烏可究悉雖有注河之辨折角之口

終日危坐抵掌而譚尤不能既其萬一此特汴都之治迹耳子
亦知夫所以守此汴都之術古昔之所以興亡者乎客曰願聞

之先王曰繫此寰宇代狹代廣更張更弛黃帝都涿鹿而是爲
幽州少昊都窮桑迺今魯地伏犧都陳帝譽都亳堯都平陽迺

若昊天而授人時舜都蒲陂迺觀羣后而輯五瑞公劉處幽而
兆王業之所始大王徙邠者以避狄人之所利文王作鄆方蒙
難以稱仁武王治鎬復戎衣而致乂蓋周有天下三百餘年而
刑措不用及其衰也亦三百餘年而五伯更起星禽旦割各據
穀兵以專列疆侯脇帶於弱國不領人君之經費天下日蹙而
日裂中國所有者無幾當時權謀爲上雌雄相噬孰有長距孰
有利背兵孰先選糧孰夙峙孰有翹關之卒孰有憑軼之士孰
有素德孰有彊倚孰欲報惠孰欲雪耻或奉下邑以賂讐或舉
連城而易噐骸骨布野介胄生蟻肘血丹輪馬鞍銷髀勢成莫
格國墟人鬼噫彼土宇凡幾吞而幾奪幾完而幾弛秦中形勢
之國加兵諸侯如高屋之建瓴水神臯天邑以先得者爲上計

其他或左據函谷右界褒斜號爲百二之都東有清泉西有嶺
浞定爲王者之里以至置春陵之俠客興泗上之健吏扼襟控
咽屏藩表裏名城池爲金湯役諸侯爲奴隸拓境斥地輟輔荒
裔東包蟠木西卷流沙北繞幽陵南裹交趾厥後席治滋永泰
心益侈或慢守以啟戎或朋淫而招宄橫調無藝而垂竭游役
不時而就斃盧令日縱而不繼驚翻厭觀而常值睚眦則覆尸
而流血愉悅則結纓而珮璫粉墨雜糅賢才逆曳腫微齧韜而
竊肉食賊臣迴宄而圖大噐郡國制節侯伯方軌或爲大尾而
不掉或爲重脰而屢蹶室有丹楹城有百雉朝廷無用於揚燎
冠冕不抗於執贄天維披裂地軸杌捏羣生變爲同難然同而
殄瘁雖有城池周以鄧林縈以天漢曳輦可以陟崇巘設柶可

以濟深水故武侯浮西河而下自哆其地而進戒於吳起蓋稅
政肆於廟堂之上則敵國起於蕭牆之裏奚問左孟門而右大
行左洞庭而右彭蠡發微子曰天命有德主此四方如輻之拱
轂如桶之會極其硤口點反堅也鞏者天與之昌其間於可可

力可者天與之亡且非易之所能壞亦非險之所能藏非愚之

所能弱亦非賢之所能疆故將吞楚也白蛇首斷於大澤將繼

劉也雉雉先雒於南陽龍祭力之出櫝而厭弧隱亡周之語摹

收襲門而天帝貽刑號之殃人力地利信不能偃植而支什而

皆聽乎彼蒼故鯨鯢勦薄解反勦苦海反惡怒也決一死於吻

血兕虎闐匹賓反客也關式旨反踐巍嶽為平崗蹂生靈如蹋

塊簸天下如揚糠其敗也抉目而折骨其成也頂冕而垂裳由

此觀之土地足以均沛澤而施靈光而已易險非所較賢否亦

未可議也先生曰以易險非所較者固已垂矣以賢否非議者

烏乎可哉客不聞王公設險以守其國有德則昌者乎地欲得

險勢欲參德迫隘卑陋則無以容萬乘之扈從供百司之廩餼

據偏守隅則無以限四方之貢職平道理之遠邇膺原申區割

宅製里趨八極而奔走正南面而負辰舉天下於康達力士體

僵而不敢取貪夫汗縮而不敢睨者恃德之險也襟馮紇南太

華之國背負清渭濁河之注搯人之吭而拊人之脊一日有變

而萬卒立具然而布衣可以窺隙而試勇匹夫可以爭行而號

呼彼天府之行沃適為人而保聚此以地為險者也地嚴德暢

然後為神造之域天設之險大哉炎宋帝眷所矚而此汴都百

嘉所毓前無漏漉旋淵呂梁之絕流後無太行石洞孤飛句望
 浚深之岩谷豐樂和易殊異四方之俗兵甲士徒之須好賜匪
 頒之用廟郊社稷百神之祀天子奉養羣臣稍廩之費以至五
 穀六牲魚鼈鳥獸闔國門而取足甲不解纍刃不離鞬秉鉞句
 奴而單于奔幕抗旌西焚而冉驩莫江蝘伏南夷散徒黨而入
 質朝鮮畏菹醢而修睦解編髮而頂文弁削左衽而曳華服逆
 節躑躅而取禍者折簡呼之而就戮眈眈帝居如森鋌音堤利
 鏃之外向死士逡巡而莫觸仁風冒於海隅頌聲溢乎家塾伊
 昔天下阡危王猷失度皇綱解紐嗥豺當路帝懷寶曆未知所
 付可受方國莫越藝祖圖緯協期謳謠扇儒赤子雲望而風靡
 英雄螽躍而蠅附玉帛駿奔者萬國冠冕充塞乎寰宇絕塞稅

鎧而免鞣

音同

障壘熄燧而摧櫓拜搢神威有此萬旅奕世載

德茂聞過舉髮櫛禾耨子攜稚哺擊菓懋穗疏惡鑿嫵鉞

五戈

反觚角之礲

初湛反

刻劑

扶勿反

攙仕御反

捨音鏘

而收圍爰

暨 皇帝粉飾朴質稱量纖鉅鏗鏗秦廟之金玉璨璨夾楹之
 簠簋訓典嚴密財本豐阜刑罰糾虔布施優裕田有愿耕之農
 市有愿藏之賈草竊還業而歛迹大道四通而不岐徒古反塞
 也車績馬連千百為羣肩輿相載前卻而後阻才與反壤歌
 者萬井未聞歐於利反声不平也憂於求反氣逆也而告瘡雖
 立壘為界其誰敢櫛子藥反柄也賻而批髀况此汴都者乎抑
 又有天下之壯客未嘗覩其輿也且宋之初營是都也上睇天
 時下度地制中應人欲測以聖智建以皇極基以賢傑限以法

士垣以大師屏以大邦扞以公侯城以宗子以義爲路以禮爲
門鍵鑰以柄開闔以權掃除以政周裹以恩廼立室家以安吾
君有庭其栢社稷臣也有庭其楠衆材會也有闈孔張通厥明
也有牖孔陽達厥聰也其檻如衡前有憑也其壁如削後有據
也其陛則崇止陵踐也其極則隆帝居中也邑都旣周宮室旣
成於是上意自足廼駕六龍秉德輿先警蹕由黃道馳騁乎書
林下觀乎學海百姓欣躍莫不從屬車之塵而前邁妙技皆作
見者膽碎廼使力士提挈乎陰陽搏從桓椀於煥乎剛柔應乎
成噐方圓微碩或粉或白隨意所裁上方咀嚼乎道味斟酌乎
聖澤而意猶未快又欲浮槎而上窮日月之盈昃尋天潢之流
派操執北斗之柄按行二十八壘之次奪雷公之拖收風伯之

鞫一瞬之間而其澤霽霽囚孛彗於幽獄敷景雲而黯靄統攝
陰機與帝唯諾而無闕如此淫樂者十有七年疲而不止諫而
不改吾不知天王之用心但聞夫童子之歌曰孰爲我已孰釐
我載茫茫九有莫知其界客乃覩覩音眩然驚拳拳然謝曰非
先王無以刮吾之矇樂吾之賸臣不能究
皇帝之盛德謹再拜而退

古詩

詠史

鮑明遠

五都矜財雄三川河洛伊養聲利百金不市死明經有高位京
城十二衢飛甍各鱗次仕子影華纓遊客竦輕轡明星晨未稀
軒蓋已雲至賓御紛馳香鞍馬光照地寒暑在一時繁華及春

媚君平獨寂寞身世兩相棄

積史

古語

皇朝之盛豈難再拜而舉

夫王無以居吾之觀樂吾之觀日不銷矣

外傳亦云大莫映其界客以賤賤音却想驚蓬拳然楮日未

不刃吾不映天王之思以回聞夫童子之福曰博為非日博

與與帝制精而無聞以此為樂者十有八乎然而不也精而

一則一則而止也

新編古今事文類聚續集卷之三

建安 祝穆 和父 編

金陵 唐富春 子和 梓

居處部

關市 聚貨

群書要語重門擊柝以待暴客蓋取諸豫易仲夏之月關市無

索月令司關掌國化之節以聯門市凡貨不出於關舉其貨罰

其人國凶荒則無關門之征周禮古之為關也將以禦暴今之

為關也將以為暴孟子關譏而不征孟子關在境所以察出禦

入蔡邕月令市買賣所也說文市恃也言交易而退恃以不

賈也風俗通闔者市之垣闔者市之門肆所以陳貨鬻之物居

所以置貨鬻之物古今注日中為市致天下之民聚天下之貨

交易而退各得其所易建國必面朝而後市質人掌買賣質劑

市契券也司市掌市之治教刑政量度禁令大市日昃而市百

族為主朝市朝時而市商賈為主夕市夕時而市販夫販婦為

主王言其多

司裁掌憲市之禁令禁其鬪鬪者與其鬪亂者出入相陵犯者

以屬遊飲食于市者若不可禁則搏而戮之 掌戮凡殺人者

陪諸市肆三日刑盜于市並周禮市中空地謂之廛鄭眾周禮

注歌舞于市井詩什一去關市之征 市廛而不征法而不廛

則天下之商皆悅而願藏于其市矣 市不貳價雖使五尺之

童適市莫之或欺 古之為市者以其所有易其所無有賤夫

夫焉必求龍斷而登之以左右望而罔市利故從而征之征商

自此賤丈夫始矣並孟子一闔之市必立之平楊子市井相與

言則以財與利楊子刺綉文不如倚市門前食貨志九市關場

貨逐別八西都賦市樓謂之旗亭西京賦注列肆雲曼晉成伯

陽市賦李庚賦市官賈正掌貨物使有常價若市吏

昭六注**市儈**大儈市儈也淮南子注駟儈謂估儈其餘利漢書

作儈師古曰儈者會合二家交易駟者其首率也貨殖傳儈賣

者皆當着巾白帖額題所儈賣者及姓名一足着白履一足着

黑履晉令**市儈**廉價三之貪價五之貨殖傳半賈而賣**市儈**本直

千錢者止得五百也賈讀曰價前食貨志亡者取倍稱之息注

取一償二為倍稱 萬物印貴注印物價起 穀價翔貴並食

貨志良賈不為折閱不市注閱賣也謂損所閱賣之價荀子

詩石城除擊折鉄鎖欲開關杜長風幾萬里吹度玉門關李

一夫怒臨關百萬夫未可傍杜休道秦關百二重杜燈火家

家市 山縣早休市小市常爭米 童僕來城市瓶中得酒還

市人日中集於利競錐刀並杜暮宿淮陰市 終身棲郭門

不入襄陽市並李糴米買束薪百物資之市坡古今賢達人

爭咸陽市山谷稍尋羊家町曠行始得村落魚菜市山谷

古今事實

僕罵門者

楚公子微服出亡而門者難之其僕操筆而罵曰隸也不力門

者出之

雞鳴度關

燕丹去秦夜到關關門不開丹為雞鳴眾雞皆鳴遂得逃歸

秦昭王囚孟嘗君君變姓名夜半至函谷關關法雞鳴出客恐

追至居下坐者能為雞鳴於是群雞皆鳴遂出關史記

老子度關

周元老子之度關令尹喜先勅門吏曰若有老公從東來乘

青牛簿板車者勿聽過關其日果見老公乘青牛車來度關吏

入白之喜曰諾公今來矣我見聖人矣即帶印綬出迎設弟子

之禮關中記

燒函谷關

事類彙編 卷之三 三 德壽堂

沛公西入武關居於灞上遣將軍閉函谷關無內項王項王大將亞父至關不得入怒曰沛公欲反耶即令家發薪一束欲燎關門關門乃開

置關用傳

景帝四年復置諸關用傳出入師古曰古者或築刻木為合符或用繒帛張宴曰傳信也兩行書繒帛分持其一出入關合之乃得過謂之傳釋名曰過所至關津以示之寫一通付關吏

閉門大搜

漢武帝天德元年閉門大搜

丸泥封關

隗囂將王元謂囂曰請以一丸泥為大王東封函谷關此萬世

一時

終軍乘繻

終軍初從濟南嘗詣博士入關關吏與軍繻軍問以此何為吏曰為復傳還當以合符軍曰大丈夫西遊終不復還乘繻去後軍為謁者使行郡國建節東出關關吏識之曰此使者乃前乘繻生也

乘車出關

後漢郭丹南陽人少從師之長安從死人陳兆買入關符以入函谷關既入封符乞人慨然曰不乘使者車終不出關更始二年以丹為諫議大夫持節安集南陽去家十二年果乘高車出關更始敗歸鄉里太守杜詩請為功曹丹薦人自代而去詩歎

息勅以舟事編署黃堂以為後法 **四** 買符非直符從死人陳兆
買入關符

生入玉關

班超在西域年老思歸乃上書曰不敢望到酒泉但願生入玉
門關

神農為市 以下係市

神農氏日中為市致天下之人聚天下之貨交易而退各得其
所蓋取諸噓嗑 **四** 噓嗑合也市人之所聚異方之所合 易係神

農氏作市高陽氏衰市官不脩祝融脩市 古史考

市弗飾價

孔子與聞國政三月粥羔豚者弗飾價

舉賢於市

百里奚舉於市 孟

卜宅近市

景公欲更晏子之宅曰子之宅近市辭曰小人近市得所求小
人之利也

舞鶴於市

吳王葬女舞白鶴於市令萬人觀之因以為殉 吳越春秋

乞食吳市

伍子胥出昭關吹篪乞食於吳市

歌於市中

高漸離擊筑荆軻和而歌於市中

以屠居市

聶政殺人避仇以屠為事君市井

爭利於市

張儀勸秦伐韓曰爭名者於朝爭利者於市三川周室天下之朝市也

攫金於市

見金門

徙木於市

秦孝公使公孫鞅定法令法令既具恐人不信乃立三丈之木於國都市南門募民有能徙置北門者與千金

懸金於市

呂不韋著呂氏春秋暴之咸陽市懸千金其上有能增一字者

與之千金時無能者

槐市

元始四年起明堂辟雍長安城南北為會市但列槐樹數百行為隊無墻屋諸生朔望會此市各持其郡所出貨物及經書傳記笙磬器物相與賣買雍容揖遜或議論槐下三輔黃圖

今吏坐市

弘羊今吏坐市列販物求利

前食貨志

市喜除惡

呂布殺董卓百姓相對欣喜抃舞皆賣家中珠璣衣服牀榻以買酒食相慶賀長安酒肉為之踊貴別傳

隱於市

毛公薛公遭戰國之亂二人俱以處士隱於邯鄲市毛公隱為
博徒薛公隱於賣膠高士傳

市吏公廉

大將軍霍光秉政諸霍在平陽奴客持刀兵入市聞變更不能
禁及尹翁歸為市吏莫敢犯者公廉不受饋百賈畏之

賣卜市中

見十門

滌器市中

見沽酒門

閱書市肆

見鬻書門

為市令

光武以祭遵為市令上家人犯法遵格殺之

為市門卒

梅福變姓名為吳市門卒

賣藥於市

韓康伯賣藥於長安市口不二價

宮市

德宗時宦者王宮市嘗置數十百人閱物屢左謂之白望無詔
文驗覈但稱宮市則莫敢誰何大率與直十不償一諫臣交章
列上皆不納張建封傳

罷市哭喪

羊祐都督荊州卒州人正市聞祐卒皆號慟罷市

子貢廢著

以下係聚貨

子貢廢著鬻財於曹魯之間注著猶居也讀如貯漢書作發非

又曰子貢好廢舉與時轉貨注謂停貯也

陶朱積居

陶朱公治產積居與時逐而不責於人音義曰逐時而居貨

古今文集

律詩

守關

劉季孫 文監

晨雞三叫未開關留滯行人更解鞍却上月明高處立曉風吹
面作清寒

雜著 以下係市

觀市

劉禹錫

由命士已上不入於市周禮有焉乃今觀之蓋因也元和二年

沉南不雨自季春至于六月毛澤將盡郡守有志于民誠信而
零逐徧山川方社又不雨遂遷市于城門之遠余得自麗譙而
俯焉肇令下之日布市籍名咸至夾軌道而介分次焉其左右
前後班間錯跣如在闔闔制其列區榜揭價名物參外夷之貨

馬牛有牽

集作緯

私屬有閑在巾笥者緘文及素馬在几閣者

彫形及質焉在筐筥者白黑巨細焉業于饗者列饗饌

集作饌

陳餅餌而苾然業于酒者舉酒旗滌盃盃而澤然鼓乃之人設
高俎解豕羊而赫然華實之毛畋漁之生交蜚走錯水陸群狀
穎名入隧而分韞藏而待價者負挈而求沽者乘射其時者竒
羸以游者坐賈顯顯行賈遑遑利心中驚貪目不瞬於是質劑
之曹較固之倫合彼此而騰躍之易 集作胃非 良苦於 集作之

非巧言數量衡於險手杪忽之差鼓舌僮儻詆欺相高詭態橫
出鼓鬻譁分煙埃奮羶腥壘集作壘巾履集作屨齧而合之異
致同歸雞鳴而爭赴日午而駢闐萬足一心恐人我先交易而
退陽光西徂幅員不移徑如初中無求隙地俱唯集作為守大
鳥鳥樂得腐餘是日倚衡而閱之感其盈虛之相尋更或署于

篇云

古詩

看放巾

梁庾堅吾

旗亭出御道遊目暫迴車既非隨舞鶴聊思索枯魚因龜識季
主滂酒見相如日中人已合黃昏故未踈

詩話

謂市為虛

柳子厚作童區寄傳云虛所賣之四南越中謂野市曰虛吳賢
良曰蓋市之所在有人則滿無人則虛嶺南村市滿時少虛時
多謂之為虛不亦宜乎故峒岷詩云綠荷包飯赴虛人

道路

羣書要語道路也路露也言人所蹈而露見也釋名是謂之

道路二達謂之岐旁岐道旁止三達謂之劇旁旁出岐多故曰

劇四達謂之衢五達謂之康六達謂之莊康樂莊盛也七達謂

之劇駮駮馬有四今此有七故謂之劇駮八達謂之崇期崇多

也多道會期在此九達謂之達一曰馘言似龜背故曰馘尔雅

南北為阡東西為陌風俗通合方氏掌達天下之道路夏官修

除周禮治道也軍旅田役令牧氏禁噍呼歎鳴於國中者行歌

哭於國中之道者街枚氏比修除道路者注比校治道者野廬

氏犯輓注行山曰有犯之者對土為山象以菩芻棘伯為神主

既祭之以車轆之而去喻無險難也又曰謂祖道轆輓注犬也

大馭季春開通道路毋有障塞月令道聽塗說班白者不負

戴於道路商旅皆願出於其塗矣並孟子大道甚夷而人好

徑老子塗歌里詠長安城中八街九陌三輔舊事方軌十二

街衢相經注城門三面皆平正可齊列十二車其中街衢互相

經涉張衡西都賦倚紫陌而並征王粲獵賦羊腸盤道三十六

迴王智深云行百里者半九十里此言末路之難戰國策負者

歌於塗歐賦

詩句東西經七陌南北越九阡曹植羊腸路屈曲車輪為之推

魏武帝危塗中索盤仰望垂綿纒杜驂騮開路道杜結軫青郊

路選逸驥騰夷路選道塗隘輪蹄韓往問征夫路坡着鞭跨馬

涉遠道李畏塗崦巖不可攀李

古今事賞

康衢謠

堯微服遊於康衢聞兒童謠曰立我蒸民莫匪爾極不識不知

順帝之則

行者遜路

虞芮爭田而訟不決乃相謂曰西伯仁人也盍往質之入其境

耕者遜畔行者遜路曰嘻吾儕小人也入君子之庭退以所爭之田為閑田

通道夷蠻

武王遂通道於九夷八蠻

列樹表道

定王使單襄公聘于宋過陳道無列樹單子告歸曰陳侯不有大咎必亡古者列樹於表道且為城守之用也

道不拾遺

孔子之為政男女行者別其途道不拾遺四方客至於邑者皆如歸焉家語

兩車爭道

楚野辨女者昭氏妻也鄭簡公使大夫聘于荆至於狹路有一婦人乘車與大夫遇擊折大夫之車軸大夫怒將執以鞭之女曰妾聞君子不遷怒不貳過今狹路之中妾之避已極矣而子大夫之僕不肯少伺是以廢于大夫之車而反執妾豈非遷怒哉不怒僕而怒妾豈不貳過哉列女傳

行不由徑

澹臺滅明行不由徑語

泣岐南北

揚朱泣岐謂可以南可以北也淮道訓

亡羊多岐見羊門

塗人肩摩

蘇秦說齊王曰臨淄之塗車轂擊人肩摩連衽成帷舉袂成幕
揮汗成雨家殷人足志高氣揚以大王之賢與齊之疆天下莫
能當

秦之馳道

漢賈山曰秦東窮燕齊南極吳越躡道廣五十步隱以權樹
以青松爲馳道之麗至於此使其後世曾不得邪徑而托足焉

車書共道

漢光武車書共道

本贊

途窮輒哭

阮籍常率意獨駕不由徑車輒所窮輒慟哭而返

私行巡省

王戎簡脫不持儀刑好乘巴滇馬雖爲三司率爾私行巡省園
田不從一人以手巾插腰戎故吏多至大官相逢戎輒下道避
之竹林七賢

相逢避道

北齊司馬膺之神氣甚高性方古舊與楊愔同爲黃門卽至愔
爲尚書令抗禮如初曾路逢愔威儀導引乃於樹下側避愔望
見令呼謂曰凡何意避弟膺之曰我自避赤捧本不避卿愔甚
重之

御道樹柳

隋煬帝大業元年發淮南民十餘萬開邗溝自山陽至楊子入
江渠廣四十步旁皆築御道樹以柳

行不齋糧

唐太宗路不拾遺行旅不齋糧取給于道

通鑑

道路列肆

元宗道路列肆具酒食以待行人

食貨志

避宰相路

劉公安世作都承旨待制欲至梁門見一相識呂微仲作左相與執政出尚書省相從歸府第遇之於塗除去席帽涼衫歛馬於浚溝廟下既至遣人傳語相揖而過當時若無所據則為犯義微仲歸不下斤呼門下省法吏問從官道逢宰相如何吏檢條但有尚書省官避令僕兩省官各避其官長而無兩制避宰相之法微仲遂止然終不樂

語錄

古今文集

雜著

山南西道新修驛路記

劉禹錫

開成四年梁州牧缺上玩其印疑旒深思曰伊爾卿族歸氏以文儒再世居喉舌今天官貳卿融能嗣其耿光嘗自內庭歷南臺尹轂下政事以試可為元侯乃付印綬秩大宗伯兼御史大夫玉節獸符鎮于媯墟公拜手稽首曰臣融敢揚王休于天漢之域既涖止咨于羣執事求急病者先之或曰華陽黑水昔稱醜地近者嘗為王所百態不變人風邑屋與山水俱一都之會自為善部矣惟駟遽之途歌危隘東其醜尚存使如周道在公願指耳於是因年有秋因府無事軍逸農隙人思賈餘乃懸壘

山邗木之傭募其力揆攢鑿撞祕之用凡其工具昇輦釜鍾之
器膺其要鑿鼓以程之糗醪以犒之說使之令既下奮行之徒
全集我之提封踞右扶風觸劍閣于一百里自散關抵褒城次
舍十有五牙門將賈黠董之自褒而南逾利州至于劍門次舍
十有七同節度副使石文穎董之兩將受命分曹星馳山當
蹊頑石萬狀切者埵者兀者鉅者磊落傾欹波翻獸蹲熾炭以
烘之巖醢以沃之潰為埃煤一箒可掃棧閣盤虛下臨谿舒層
崖峭絕朽木巨鉄因而廣之限以鈎欄狹徑深陁尾相接從
而拓之方駕從容急宣之騎宵夜不惑郿曲稜層一朝坦夷興
役得時國人不知繇是駛行者忘其勞吉行者徐其驅擊行者
家以安貨行者肩不病徒行者足不置乘行者蹄不利公談私

諫送于人聽伊彼金其牛而誘之以利君若我子其民而來之
以義乎既訖役南梁人書事于牘請紀之以附于史官地理志
古詩

行路難 白居易

太行之路能摧車若比君心是坦途巫峽之水能覆舟若比君
心是安流君心好惡苦不常好生毛羽惡生瘡與君結髮未五
載豈期牛女為參商古稱色衰相棄背當時美人猶怨悔何況
如今鸞鏡中妾顏未改君心改為君薰衣裳君聞蘭麝不馨香
為君盛容飾君看珠翠無顏色行路難難重陳人生莫作婦人
身百年苦樂由他人行路難難於山險於水不獨人間夫與妻
近代君臣亦如此君不見左納言右納史朝承恩暮賜死行路

難不在水不在山祇在人情反覆間

今古路

劉貢父

出門道路多縱橫不可測我今欲遠行須問曾行客徐徐逢路
人借問青松側客曰今何往答之遊京國客乃指要路而言行
有益古路雖大道不如今路直但行古人路猶如假羽翼被客
別我去獨自躊躇立為見今古路信乃無苦惑今路足輪蹄古
路多荆棘欲行今人路恐背古人跡欲行古人路今人笑迂僻
又擬不出門柰何饑寒逼哀哀此時路悠悠蒼天色不避今人
嫌路須行古陌古陌雖然遠且保無蹶失勉哉自勉哉前去難
之適不獲見朱萬古凝愁魄

津堠

津水渡也堠小津也 說文

詩 江閣嫌津柳風帆數驛亭 杜 回首過津口而多楓樹林 杜

我行捲風湍輟棹將問津 高適 野水無人渡孤舟盡日橫 寇萊

公 春潮帶雨晚來急野渡無人舟自橫 韋 春水逸深四五尺野

航恰受兩三入 杜 明日顛風當斷渡 坡 往問隴頭東 潮州尚

幾里 韓 十里五里短長亭 柳 單牌雙堠頭都白 楊廷秀

古今事實

問津

長沮桀溺藕而耕孔子過之使子路問津焉長沮曰夫執輿者

為誰子路曰為孔丘曰是知津矣

津吏醉卧

趙簡子南擊楚津吏醉卧不能渡簡子召欲殺之津吏女持楫而前曰妾父聞主君東渡不測之水恐風波之起故禱九江三淮之神不勝至祝杯酌餘瀝醉至於此妾願以鄙軀易父之死簡子將渡少一人乃備父持楫遂與渡中流發激楫之歌簡子悅以為夫人列女傳

子胥解劍

楚欲殺伍胥胥奔吳幾不得脫追者在後至江江上有一漁父乘船知伍胥之急乃渡胥胥解劍以謝之漁父不受

烏江渡

項羽垓下之敗遂引兵欲渡烏江烏江亭長艤船待謂羽曰江東雖小亦足王也願大王急渡羽曰縱江東父兄憐而王我我何面目見之哉

關津苛留

王莽令吏民出入持布錢以副符傳不持者厨傳勿舍關津苛

留注問是何人而停留之

以車記里以下係里埃

黃帝遊幸天下以車記里內傳

植槐代埃

常孝寬為雍州刺史先是路側一里置一土埃經雨頽毀每頽修之自孝寬臨州乃勒部內當埃處植槐木代之既免修復行

事文類聚卷之三十一
旅又得庇蔭周文後見恠問知之曰豈得一州獨爾當天下同
之於是分諸州道路一里植一木二里植二木百里植五木焉
北史

里置銅表 以下係疆界

魏文帝迎薛靈芝大道之傍一里置一銅表五尺以志里數

東西之界

聊攝以更始尤以西注聊攝齊西界也平原聊城縣東北有聊
攝城姑尤齊魯界也姑水尤水皆在城陽郡東南入海 昭二十

賜履

齊侯以諸侯之師侵蔡蔡潰遂伐楚楚子使與師言曰君處北
海寡人處南海唯是風馬牛不相及也不虞君之涉吾地也何

故管仲對曰昔召康公命我先君太公曰五侯九伯女實征之
以夾輔周室賜我先君履東至于海西至于河南至于穆陵北
至於無棣爾貢包茅不入王祭不共無以縮酒寡人是徵 僖四

古今文集

古詩

過石碗渡

楊廷秀

峩橋小渡十里長石碗小渡五里強斜風細雨寒蘆裏有深
潭黑無底渡船劣似紙半張五里却成十里望中流風作浪如
山前進不得後退難隔溪市井只咫尺安得飛墮於其間大江
風濤甚着力小渡風濤更無敵咫尺性命輕於毛只恐一毛猶
不直

律詩

楊子津望京口

孟浩然

北固臨京口夷山近海濱江風白浪起愁殺渡頭人

渡江

杜甫

春江不可渡二月已風濤舟楫歌斜疾魚龍偃卧高渚張素

錦汀草亂青袍戲問垂綸客悠悠見汝曹

瓜州渡

鄭谷

楊子江頭楊柳春楊花愁殺渡頭人數聲風笛離亭晚君嚮瀟

湘我嚮秦

過楊子江

楊廷秀

祇有青霜凍太空更無半點荻花風天開雲霧東南碧日射波

濤上下紅千載英雄鴻去外六朝形勝雪晴中携瓶自汲江心

水要試煎茶第一功

又

天將天塹護吳天不似轂函百二關萬里銀河瀉瓊海一雙玉

塔表金山旌旗隔岸淮南遠鼓角吹霜塞北閑多謝江神風色

好滄浪千頃片時間

古詩 以下係堠

路傍堠

韓愈

堆堆路傍堠一雙復一隻迎我出秦關送我入楚澤千以高山

遮萬以遠水隔吾居勤聽治照與日月敵臣愚幸可哀臣罪庶

可釋何當迎送歸緣路高歷歷

律詩

堠子

孫明復

直立亭亭若短峯
畫分南北與西東
從來多少迷途者
盡便平趨大道中

入漂水界閱堠子

楊廷秀

纒入漂水界
休教勤吏民
是誰差堠子
久立待車塵
昔蘇今仍
古風霜秋復
春不知雙與
隻迎送夜行人

詩話

託堠子譏刺

劉子儀與夏英公在翰林
英公為副樞意頗不平
作堠子詩云
空呈厚貌臨官道
大有人從捷徑過

歐詩話

續集三卷終



